



# შირაკი

## SHIRAKI

გამოცემის 1937 წლიდან  
დაედოფლისწყაროს პენიციპალიზაციის გაუთი

№36 (10.091)

30 სექტემბერი — 7 ოქტომბერი 2023

ფასი: 60 თეთრი

ყოველკვირული გამოცემა

## 30 წელი სოხუმის დასაბრუნებას

**იდგა 1993 წელი. ჯვართამაღლების დღე. ამ დღის მადლი აფხაზეთიდან გამოღწეულმა ცუდმა ამბავმა გააფრთხილა. სოხუმი დაეცა! - მეხვიით გავარდა ხმა საქართველოს დედაქალაქში, დედა უნივერსიტეტის კედლებში, ყველგან...**

დაუფერებელ ამბებზე აიკინძა მრავალი სიახლე: უიული შარტავა მოუკლავთო, რეზო მიშველადის ბიჭი აჩიკო, ირაკლის მამაც... და ასე იზრდებოდა მოკლული, დახვრეტილი, დაკარგული სამშობლოს დამცველების გულისგასახეთქი სია.

მერე იყო ჭუბერის უღელტეხილი-ჯოჯოხეთისგან თავისდაღწევის ერთადერთი იმედიანი გზა, მეორე სიკვდილის გზად რომ იქცა ბევრისთვის. დაღუპული და გზად დაკარგული ახლობლები, ბევრი ამქვეყნიური ტკივილი და ყველაზე დიდი იმედგაცრუება-საკუთარი სისხლისა და ხორცის ლალატი...

მერე ივსებოდა და ივსებოდა თბილისი და დანარჩენი საქართველო შვილ-მკვდარი, ოჯახამონწყვეტილი, ერთმანეთდაკარგული, სახლ-კარდაქცეული, საკუთარი ეზოებიდან, ერთი ხელი ტან-

ბა, მიუხედავად იმისა, რომ თაობები შეიცვალნენ. ომგამოვლილების დიდი ნაწილი გარდაიცვალა, ახალგაზრდების დიდ ნაწილს მხოლოდ სიზმარეულ მოგონებადღა შემორჩა აფხაზეთის ხატება, მაგრამ მშობლიური მიწისათუ სახლის ნოსტალგია და იქ დაბრუნების სურვილი მარად ანთია მათ გულეში.

\*\*\*

თავის წიგნში „სოხუმში დაბრუნება“ გურამ ოდიშარია ამერიკელი მეცნიერის ჯონ ლილის დელფინის სიკვდილისწინა ფრაზას იხსენებს - „ჩვენ მოგვაცყუეს“... და თავადაც აღიარებს, რომ მოტყუებულია. მოტყუებულია ქართველიც და აფხაზიც. მოტყუებულია ის, ვინც შურისძიებაზე ფიქრობს და ისიც, ვინც დღეს გამარჯვების მორიგ წლის-



საცმლის ამარა, ცეცხლის წვიმაში გამოღწეული ცრემლიანი სახეებით.

ყვებოდნენ დაუფერებელ ისტორიებს არაადამიანობაზე, სისასტიკეზე, ადამიანობაზეც, თანადგომაზეც და გაუსაძლის პირობებში, ჩვენამდე ძლიერსწამოტანილ სიცოცხლეზე.

ხალხი ერთმანეთს გადასცემდა ისტორიებს ქართველი მამულიშვილების გმირობაზე, თავდადებაზე, სამშობლოს სიყვარულზე, რომლის გვირგვინი იყო, კარგა ხნის შემდეგ, გაცრეცილ ვიდეოზე ნანახი ვაჟკაცების აპოთეოზი-  
**На колених..**  
**Никогда, в жизни!**

გადაივსო თბილისი ომგამოვლილი და ძლივსგადარჩენილი ლტოლვილებით, შავი და მგლოვიარე ტანსაცმლითა და სახეებით. მრუმე და სევდიანი გახდა სასტუმროები, აივნებიდან გადმოფენილი სარეცხით სავსე თოკებით, რომლებიც მანამდე უცხოელი სტუმრების ნავსაყუდელი გახლდათ. იმ დღეებში იცვალა ფერი საქართველომ, გულ-გაგლეჯილმა და მრავლისმნახველმა.

ეს ტკივილი დღემდე გრძელდე-

თავს აღნიშნავს სოხუმში. იმის გააზრება, რომ მოტყუებული ხარ, საკუთარი შეცდომის აღიარებასაც გულისხმობს. მხატვრულ-დოკუმენტურ ნარკვევში „დევნილთა უღელტეხილი“ იგი წერს, მშვიდობიანობის ფაშს მხოლოდ ერთეულები გრძნობენ სიყვარულის სიდიადეს, უმრავლესობას კი, ჩვენდა საუბედუროდ, თურმე რაღაც დიდი გასაჭირი სჭირდება თვალის ასახე-ლადა... და სწორედაც რომ „თვალის ახელას“, ანუ კათარზისს, ჰგავს სოხუმელი მწერლის პროზა... იგი დარწმუნებულია, ქართულ-აფხაზური კონფლიქტი მხოლოდ მაშინ მოგვარდება, როცა დაპირისპირებულ მხარეებში „კათარზისის ნება“ გაჩნდება. თუმცა რატომ - „გაჩნდება“? გურამ ოდიშარიას თქმით, ჯერ კიდევ ომის დროს უამრავმა ქართველმა და აფხაზმა დასძლია თავის თავში „მტრის სახე“, ან, უბრალოდ, განგებამ დააძლევინა.

„როგორც იქნა, წამოწვიმა.“

გუბურაში წვიმის წვეთებით დაცხრილულმა, სველი ღრუბლების სველმა ლანდებმა, ზღვა გამახსენა.

ზღვამ - სოხუმი, სანაპირო, დელფინები...

მომავონდა ამერიკელი მეცნიერის, ჯონ ლილის ერთ-ერთი დელფინის სიკვდილისწინა ფრაზა, წარმოთქმული ინგლისურად: „ჩვენ მოგვაცყუეს!“

მილიონჯერ მოუსმინა ჯონ ლილიმ ამ ჩანაწერს და ვერც მან და ვერც სხვებმა ვეღარ გაიგეს, როგორ შეძლო მომაკვდავმა დელფინმა ამ სიტყვების წარმოთქმა, ან რას ნიშნავდა „ჩვენ მოგვაცყუეს!“

და მაინც, დიდხანს რომ იფიქრო, დიდხანს და მშვიდად, დედამისის ნებისმიერ კუთხეში მცხოვრებთა სათქმელს ამბობდა დელფინი. თუნდაც ჩვენსას - ჩვენც ხომ მოგვაცყუეს!

ჩვენ მოგვაცყუეს - იმედით, რწმენით, მონოდებით, ისტორიით, იდეოლოგიით, შემართებით, თავისუფლებით, მშვიდობით, ბრალდებით!

ჩვენ მოგვაცყუეს - მიტინგებით, შეძახილებით, მოლაყებებით, ტახტებით, დროშებით, გაზეთებით, ტელევიზიით, ანგარიშსწორებით, ბელადობით!

ჩვენ მოგვაცყუეს - სიძულვილით, გულუბრყვილობით, სიბრიყვით, შიშით,

ილუზიით, პატივმოყვარეობით, ავსიტყვაობით!

ჩვენ მოგვაცყუეს - იარაღით, სისხლით, დემოკრატით, პარტიებით, ფულით, კომფორტით, გაერთიანებით, დაქსაქსევით, სიგიჟით, ომით!

ჩვენ მოგვაცყუეს - კენესით, ვაებით, დასახიჩრებული სხეულებით. ცეცხლით, ნამებით, გაუპატიურებით, ბანგით, სიკვდილით, სიცოცხლით!

ჩვენ მოგვაცყუეს - ბრალდებით, მშვიდობით, თავისუფლებით, შემართებით, იდეოლოგიით, მონოდებით, რწმენით, იმედით!..

ჩვენ მოგვაცყუეს - ყველამ და ყველაფერმა!

ჩვენ მოგვაცყუეს - გუშინ, დღეს და ხვალ! ხვალაც კი, ხვალაც მოგვაცყუეს! ჩვენ ჯადოსნურ წრებრუნვაში ვართ!

ჩვენ მოგვაცყუეს! მოგვაცყუეს! ჩვენ მოგვაცყუეს, რათა ჩვენ მოვკვდეთ, მაგრამ“...

ჩვენ სოხუმში გემით დაგვრუნდებით. ზღვა იქნება ლურჯი და მშვიდი...

**მომავონდა**  
**ინგა შიოლაშვილი**





# „რთველი წარმატებით მიმდინარეობს“

„რთველი წარმატებით მიმდინარეობს. მოსავლის აღება და, ზოგადად, ყურძნის ჩაბარების პროცესი ძალიან კარგად არის ორგანიზებული“, - ამის შესახებ საქართველოს პრემიერ-მინისტრმა ირაკლი ღარიბაშვილმა თელავში რთველის საკოორდინაციო შტაბის წევრებთან შეხვედრის შემდეგ ჟურნალისტებთან საუბრისას განაცხადა.

პრემიერის თქმით, დღევანდელი მდგომარეობით უკვე ჩაბარებული და გადაამუშავებულია 170 ათასი ტონა ყურძენი. დაახლოებით 200 მლნ ლარის შემოსავალი მიიღეს კახელმა მევენახეებმა.

„დავით აღმაშენებელი“ და გავიყვანი შტაბის მუშაობას. რთველი წარმატებით მიმდინარეობს. მოსავლის აღება და, ზოგადად, ყურძნის ჩაბარების პროცესი ძალიან კარგად არის ორგანიზებული. შტაბი ძალიან ეფექტურად მუშაობს. უკვე ჩაბარებული და გადაამუშავებულია 170 ათასი ტონა ყურძენი და დაახლოებით 200 მლნ ლარის შემოსავალი მიიღეს კახელმა მევენახეებმა უკვე.

ასევე მინდა გითხრათ, რომ 300-მდე კომპანია არის ჩართული ამ პროცესში. ჯამში 450 კომპანია ქვეყანაში, მაგრამ აქედან 300 კომპანია არის ჩართული. მინდა გითხრათ, რომ მე ძალიან კმაყოფილი ვარ ჩვენი შტაბის მუშაობით. ისინი ლაივრეჟიმით აკონტროლებენ ყველა ქარხნის მუშაობას, მიღების

პროცესს, დანეყბული მიღებიდან, ჩაბარების, მთელ პროცესს აკვირდებიან და აკონტროლებენ. ასე რომ, კიდევ ერთხელ მინდა მადლობა გადავუხადო ბატონო ოთარ შამუგიას, მის გუნდს, შტაბს მთლიანად, ყველას, ვინც ამ პროცესში არის ჩართული.

ბოლო წლებში, იცით, ჩვენი ხელი-სუფლება მაქსიმალურად დაეხმარა და ეხმარება მევენახეებს. მევენახეობა არის სტრატეგიული დარგი ჩვენთვის, ჩვენი ქვეყნისთვის, ეკონომიკისთვის. ჩვენ ღვინის ქვეყანა ვართ, ღვინის სამშობლო ვართ, ასე რომ, განსაკუთრებული დამოკიდებულება სწორედ ამიტომაც გვაქვს ჩვენ ამ დარგის მიმართ.

შედეგებისთვის მინდა შეგახსენოთ ყველას, რომ 2012 წელს 25 ათასი ჰექტარი იყო ქვეყანაში. დღეს არის 50 ათასი ჰექტარი უკვე, რაც, რა თქმა უნდა, ძალიან დიდი პროგრესია ბოლო 10 წელიწადში. ეს არის ჩვენი პროგრამების, დახმარებების შედეგი. ასევე გეტყვით, რომ თუ მაგალითისთვის, 2012 წელს 20 მილიონი ლიტრი ღვინო იყო ექსპორტზე გატანილი, შარშან რეკორდული, 100 მილიონზე მეტი ლიტრი ღვინო გაიყვანა. ჯამურად შარშან 400 მილიონი დოლარის ექსპორტით მიღებული შემოსავალი მიიღო ქვეყანამ. ეს, რა თქმა უნდა, განდანილდა ამ ოჯახებში, რეგიონში და არა მხოლოდ ამ რეგიონში, არამედ სხვა



რეგიონებშიც, სადაც არის მეღვინეობა განვითარებული.

450 კომპანია, ადრე იყო რამდენიმე ათეული კომპანია, როგორც უკვე მოგახსენებთ და საერთოდ, არავითარი დახმარება არ ეძლეოდათ მევენახეებს და მეღვინეობას, ზოგადად, ამ დარგს.

ასე რომ, ჩვენ კიდევ ერთხელ გავაგრძელებთ ამ დახმარებებს, იქნება სუბსიდირების სახით თუ სხვა პროგრამების სახით, უამრავი პროგრამაა ასეთი. ვფიქრობ, რომ ჩვენი მოსახლეობა კმაყოფილი იქნება ნელს“, - განაცხადა პრემიერმა.

საქართველოს პრემიერ-მინისტრმა თელავში, რთველის საკოორდინაციო შტაბში, შტაბის წევრებისგან რთველის შესახებ ინფორმაცია მოისმინა.

რთველის საკოორდინაციო შტაბი ოფიციალურად 24 აგვისტოს გაიხსნა და რთველის განმავლობაში 24-საათიან რეჟიმით მუშაობს. შტაბი კოორდინაციას უწევს რთველის ორგანიზებულად ჩატარებას. რთველის წინამოსამზადებელი სამუშაოების ორგანიზების მიზნით შტაბის წევრების ნაწილი კახეთში აგვისტოს დასაწყისიდან იმყოფებიან.

ადგილზე მუდმივად არის შტაბის 20 წევრი; შტაბს ხელმძღვანელობს ღვინის ეროვნული სააგენტოს თავმჯდომარე ლევან მესხულა. შტაბის შემადგენლობა-

ში არიან კახეთის მუნიციპალიტეტების კოორდინატორები, რომლებიც ორგანიზებას უწევენ ყურძნის ჩაბარების პროცესს, ღვინის საწარმოებთან ყურძნით დატვირთული მანქანების ნაკადების მართვას; ასევე შტაბში იმყოფება ტექნიკური პერსონალი რეგისტრაციისა და აღრიცხვის მიმართულებით. ყურძნის აღრიცხვა ერთიან ელექტრონულ სისტემაში მიმდინარეობს.

დღევანდელი მდგომარეობით, რთველი 2023 წლის ფარგლებში, გადაამუშავებულია 170 ათასი ტონა ყურძენი, აქედან 68 ათას ტონამდე - რქანითელი, 92 ათას ტონამდე - საფერავი, 3 ათასი ტონა - კახური მწვანე და დანარჩენი სხვადასხვა ჯიშის ყურძენია.

მოსავალი საწარმოებს 13 ათასამდე მევენახე ჩააბარა. მათი შემოსავალი 170 მლნ ლარს აღწევს.

ამასთან ერთად, სახელმწიფო ღვინის საწარმო შპს „მოსავლის მართვის კომპანიის“ მიერ გადაამუშავებულია 19 ათასი ტონა კლიმატური პირობების გამო დაზიანებული ყურძენი. დაზიანებული ყურძნის რეალიზაციით მევენახეების მიღებული შემოსავალი 17,1 მლნ ლარს აღწევს.

რთველი სხვადასხვა აქტივობით მიმდინარეობს კახეთის ყველა მუნიციპალიტეტში.



## ფქვილის ფასი კლებას განაგრძობს

რუსული ხორბლის ფასი კლებას განაგრძობს. რუსეთის საექსპორტო ფასი ტონაზე 240 დოლარია, რისი მინიმუმიც ივლისის შუა რიცხვებში დაფიქსირდა, როცა FOB-ფასი 230 დოლარს შეადგენდა. მარცვლეულის მწარმოებელთა კავშირი მოელის, რომ რუსული მარცვლეულის საექსპორტო ფასი კვლავ ამ მინიმუმამდე დაეცემა.

ხორბლის საიმპორტო ფასი 1 ტონაზე 30 დოლარით არის შემცირებული ბოლო 3 თვის განმავლობაში საქართველოშიც. კერძოდ: ივნისში საქართველომ რუსეთში იყიდა 2,560 მლნ დოლარის ღირებულების 9 887 ტონა ხორბალი, ტონაზე საშუალო ფასი 258 დოლარი, ივლისში - 5 914 მლნ დოლარის ღირებულების 25 446 ტონა (საშუალო ღირებულება - 232 დოლარი ტონაზე), აგვისტოში - 5,989 მლნ დოლარის 26 363 ტონა (საშუალო ღირებულება - 228 დოლარი ტონაზე).

რაც შეეხება საერთო მაჩვენებელს, ნელს იანვარ-აგვისტოში საქართველომ რუსეთისგან 32.04 მლნ აშშ დოლარის 117 907 ტონა ხორბალი იყიდა.

რაც შეეხება სრულ მონაცემებს, მიმდინარე წლის 8 თვეში საქართველომ 32.6 მლნ აშშ დოლარის 119 456 ტონა ხორბალი იყიდა, გასული წლის

ანალოგიურ პერიოდში კი, 30.7 მლნ აშშ დოლარის 85 326 ტონა ხორბალი.

რუსული ხორბლის იმპორტის ზრდა, საქართველოში ფქვილზე ახალი რეგულაციის დაწესებამ გამოიწვია.

12 ივნისს საქართველოში ფქვილის იმპორტზე დროებითი საიმპორტო საფასური დაწესდა, რომელიც ძალაში 5 თვეს იქნება.

შედეგად, საქართველოში შემცირებულია ფქვილის იმპორტი. 2022 წლის იანვარ-აგვისტოში 45.2 მლნ აშშ დოლარის 119 376 ტონა ხორბლისა და ჭვავის ფქვილი შემოვიდა, მიმდინარე წელს კი, 29.3 მლნ აშშ დოლარის 104 980 ფქვილი.

ცნობისთვის, რუსულ ხორბალზე ფასების კლება ოქტომბერშიც გაგრძელდება. ამის შესახებ რუსეთის მარცვლეულის მწარმოებელთა კავშირის ანალიტიკური განყოფილების დირექტორმა, ელენა ტიურინამ, „აგროინვესტორთან“ ინტერვიუს დროს განაცხადა.

ფქვილის ფასის შემცირებასთან ერთად სექტემბრიდან უკვე გაიზარდა ბუნებრივი აირის საფასური საცხოვრებისთვის, თუმცა ამას პურის ფასის კლება არ მოჰყოლია.

## კოვიდ 19-ით ინფიცირების შემთხვევები მატულობს

დედოფლისწყაროს მუნიციპალიტეტში კოვიდ 19-ის გავრცელების შემთხვევებმა ისევ იმატა. როგორც საზოგადოებრივი ჯანდაცვის ცენტრის მთავარი ეპიდემიოლოგი ლალი ალადაშვილი ამბობს, ყოველდღიურად ინფიცირების საშუალოდ 6-8 შემთხვევა ფიქსირდება. თუმცა, ეს სრულ სურათს არ ასახავს. ვინაიდან შტაბი შედარებით სუსტია, მოქალაქეები ტესტირებას თითქმის აღარ მიმართავენ.

„მომატებულია ინფიცირების შემთხვევები. რამდენიმე საბავშვო ბაღში სასწავლო-აღმზრდელობითი პროცესი დროებით შეფერხდა, ცალკეული ჯგუფებიც დაიხურა, თუმცა ამჟამად ყველა ჯგუფი აღდგენილია. რომელიმე ბაღის დახურვის საჭიროება არ დამდგარა. მართალია ინფექციას ამ ეტაპზე პანდემიური ხასიათი აღარ აქვს, მაგრამ დაავადების პრე-

ვენციისთვის, აუცილებელია ისევ დავიცვათ დისტანცია და პირადი ჰიგიენის წესები,“ - აღნიშნა ალადაშვილმა.

ტესტირების ჩატარება კვლავაც უფასოა დედოფლისწყაროს ჯანდაცვის ცენტრის შენობაში და დედოფლისწყაროს საავადმყოფოში. ინფიცირებულების ნაწილი დედოფლისწყაროს საავადმყოფოში მკურნალობს, მათ უმრავლესობას კი ინფექცია მსუბუქი ფორმით გადააქვს. ხშირ შემთხვევაში ინფექცია მოქალაქეებში უსიმპტომოდ მიმდინარეობს. კოვიდ 19-თან ერთად მომატებულია სეზონური ვირუსების მაჩვენებელიც.

დედოფლისწყაროს საზოგადოებრივი ჯანდაცვის ცენტრი მოსახლეობას რეკომენდაციით მიმართავს, უზრუნველყონ პირადი ჰიგიენა და საზოგადოებრივი თავშეყრის ადგილებში დაიცვან დისტანცია.

## ნელს სოფის 68 შემთხვევა დაფიქსირდა

ნელს ცოფის შემთხვევების მცირედი ზრდა გვეჩვენა, ცოფის 68 დადასტურებული შემთხვევა გვაქვს, - ამის შესახებ სურსათის ეროვნული სააგენტოს ვეტერინარიის დეპარტამენტის წარმომადგენელმა, თენგიზ ჩალიგავამ „ინტერპრესნიუსს“ განუცხადა.

მისივე თქმით, ცოფის გამოვლენის კერებში, სურსათის ეროვნულმა სააგენტომ კარანტინი გამოაცხადა და შესაბამისი საკარანტინე ღონისძიებები გაატარა.

„სურსათის ეროვნული სააგენტო ყოველწლიურად ახდენს 300 ათასამდე ამთვისებული ცხოველის ვაქცინაციას. მიუხედავად ვაქცინაციისა, რადგან ვირუსი ქვეყანაში ცირკულირებს, მაინც ხდება გამოვლინება. ცხოველებში, ცოფის შემთხვევები დაახლოებით 63 %-ით შემცირდა 2013 წელთან შედარებით, თუმცა, ნელს ცოფის შემთხვევების მცირედი ზრდა გვეჩვენა, რომელიც სხვადასხვა

ფაქტორთანაა დაკავშირებული, განსაკუთრებით იმ ფაქტორთან, როდესაც ვირუსი ცირკულირებს და იგი ნახავს აუტრელ ამთვისებელ ცხოველს, მაშინვე გამოვლინდება. ჩვენი რეაგირებაა, რომ მაქსიმალურად გავზარდოთ დაფარვა, რათა ყველა ცხოველი მაქსიმალურად იყოს ვაქცინირებული. ცოფის გამოვლენის დროს, სურსათის ეროვნული სააგენტო საკარანტინე ღონისძიებებს ატარებს საქართველოს დადგენილების შესაბამისად, კერძოდ, კერაში, 3 კილომეტრის რადიუსზე.

ყველა ცხოველი იცრება, მათ შორის, სასოფლო-სამეურნეო. ნელს დაფიქსირდა 68 დადასტურებული შემთხვევა. გამოვლენის კერებში, სურსათის ეროვნულმა სააგენტომ კარანტინი გამოაცხადა და ჩატარდა საკარანტინე ღონისძიებები, - აღნიშნა თენგიზ ჩალიგავამ.

## მორიგი კვლევის შედეგები

Edison Research-ის საზოგადოებრივი აზრის გამოკითხვის შედეგების თანახმად, საქართველოს NATO-ში განწევრებას მოსახლეობის 83% უჭერს მხარს. ხოლო ევროკავშირში განწევრებას, მოსახლეობის 90% ემხრობა.

კვლევის თანახმად, საქართველოს NATO-ში განწევრებას ეწინააღმდეგება - 17%, ხოლო ევროკავშირში განწევრების წინააღმდეგია 10%.

საზოგადოებრივი აზრის გამოკითხვა ტელეკომპანია „ფორმულას“ დაკვეთით ავტორიტეტულმა საერთაშორისო კვლევითმა კომპანიამ Edison Research-მა ჩაატარა.

კვლევის ფარგლებში, პირისპირი გამოკითხვის მეთოდით, ქვეყნის მასშტაბით შემთხვევითი შერჩევით გამოკითხვა საქართველოში მცხოვრები 1500 საარჩევნო უფლების მქონე 18 წლისა და მეტი ასაკის ადამიანი.

ცდომილება არის +/- 3%, 95%-იანი სანდოობის დონისთვის. საველე სამუშაოები მიმდინარეობდა 2023 წლის 7 სექტემბრიდან 24 სექტემბრის პერიოდში.

# საგზაო ინფრასტრუქტურის მოწყობა აქტიურად გრძელდება



დედოფლისწყაროს მუნიციპალიტეტში საგზაო ინფრასტრუქტურის მოწყობა აქტიურად გრძელდება.

სოფელ ზემო მარხაანში მეოთხე და ოცდამეოთხე ქუჩებზე ასფალტის საფარის დაგება მიმდინარეობს. ინფრასტრუქტურული პროექტი დედოფლისწყაროს მუნიციპალიტეტის მერმა ნიკოლოზ ჯანიაშვილმა მოადგილესთან, გელა სამუშაიშვილთან ერთად დაათვალიერა.

პროექტის ფარგლებში ეწყობა ასფალტ-ბეტონის საფარი და სანიაღვრე არხები. მისი ღირებულება 699 777 ლარია.

სამუშაოებს რეგიონებში განსახორციელებელი პროექტების ფონდის დაფინანსებით დედოფლისწყაროს მუნიციპალიტეტის მუნიციპალიტეტის მერია ახორციელებს.

# „ყველაფერს გავაკეთებთ, რომ ბაღები გაგზადოთ სანიმუშო“

დედოფლისწყაროს მუნიციპალიტეტის მერი ნიკოლოზ ჯანიაშვილი დედოფლისწყაროს სკოლამდელი სააღმზრდელო ცენტრის დირექტორთან ირმა ჯანაშვილთან ერთად ზემო ქედის და არხილოსკალის საბავშვო ბაღებს ეწვია და მიმდინარე სააღმზრდელო პროცესს ადგილზე გაეცნო.

„ხელისუფლებაში მოსვლის პირველივე დღიდან ჩვენი ერთ-ერთი უმთავრესი პრიორიტეტი მომავალ თაობაზე ზრუნვაა. ამ წლების განმავლობაში ყველაფერს ვაკეთებთ იმისათვის, რომ ბაღები გაგზადოთ სანიმუშო და ამ ამოცანას თავს წარმატებით ვართმევთ. ასევე ვზრუნავთ მომუშავე პერსონალის კეთილდღეობისთვისაც. ამ ყველაფრისთვის მაძღობას არ ვითხოვთ. თქვენი მაძღობა იქნება, თუ მეტი მონდომებით იზრუნებთ ჩვენი ქვეყნის მომავლისთვის“ - განაცხადა ნიკოლოზ ჯანიაშვილმა პედაგოგებთან საუბარში.



# „ჩვენი სამყაროს გარდაქმნა: 2030 წლის დღის წესრიგი მდგრადი განვითარებისთვის“

**28 სექტემბერს, დედოფლისწყაროს მუნიციპალიტეტის მდგრადი განვითარების მიზნების ადგილობრივი ჩარჩო დოკუმენტის პროექტის შექმნასა და შემუშავებაში დაინტერესებულ პირებთან ონლაინ შეხვედრა გაიმართა.**

შეხვედრას უძღვებოდა ნიკოლოზ ჩანადირი, კონსულტანტი SDG ლოკალიზების საკითხებში, რომელმაც დამსრე საზოგადოებასთან ერთად დედოფლისწყაროს მუნიციპალიტეტის მდგრადი განვითარების მიზნების ადგილობრივი ჩარჩო დოკუმენტის პროექტი განიხილა. მან აღნიშნა, რომ „დაინტერესებული მხარეების ჩართულობა დოკუმენტის მომზადების პროცესში განსაკუთრებით მნიშვნელოვანია. კომენტარები, შემოთავაზებები და შენიშვნები დოკუმენტთან დაკავშირებით ხელს შეუწყობს დოკუმენტის სრულყოფილ და სწორ ჩამოყალიბებას“. ონლაინ სამუშაო შეხვედრაში მონაწილეობა მიიღეს განათლების, მედიისა და დედოფლისწყაროს ადგილობრივი განვითარების ჯგუფის წარმომადგენლებმა.

პ.ს. გაერთიანებული ერების ორგანიზაციის (შემდგომში - გაერო) გენერალურმა ასამბლეამ 2015 წლის 25 სექტემბერს მიიღო A/RES/70/1 რეზოლუცია. „ჩვენი სამყაროს გარდაქმნა: 2030 წლის დღის წესრიგი მდგრადი განვითარებისთვის“, რომლის განუყოფელი ნაწილია მდგრადი განვითარების 17 მიზანი და 169 ამოცანა“. 2017 წლის 6 ივლისს კი, გაერთიანებული ერების ორგანიზაციის გენერალური ასამბლეის A/RES/71/313 რეზოლუციით დადგინდა მდგრადი განვითარების მიზნების ინდიკატორთა ჩამონათვალი. მდგრადი განვითარების მიზნები მსოფლიოს გარშემო აერთიანებს სხვადასხვა ქვეყნის ხელისუფლებასა და მოსახლეობას შემდეგი ღირსეული ამოცანების შესასრულებლად: სიღარიბისა და შიმშილის აღმოფხვრა, ჯანდაცვისა და განათლების სისტემის გაუმჯობესება, თანასწორობის

ხელშეწყობა, ქალაქების მდგრადობა, კლიმატის ცვლილებების წინააღმდეგ ბრძოლა, ოკეანეებისა და ტყეების დაცვა, ყველა დონეზე ეფექტიანი, ანგარიშვალდებული და ინკლუზიური ინსტიტუციების მშენებლობა. გაეროს მდგრადი განვითარების მიზნები წარმოადგენს ათასწლეულის განვითარების მიზნების ლოგიკურ გაგრძელებას, რომელთა შესრულების ვადა 2000 - 2015 წლების პერიოდს მოიცავდა. 2015 წელს, ამ მიზნების შესრულების ვადის დასასრულს, გაეროს ათასწლეულის მიზნები გარდაიქმნა უფრო ყოვლისმომცველ - მდგრადი განვითარების მიზნებად. 2015 წელს საქართველომ, გაეროს ყველა სხვა წევრ ქვეყანასთან ერთად, გამოთქვა სურვილი, განეხორციელებინა 2030 წლისთვის დასახული მდგრადი განვითარების მიზნები და ამოცანები.

2016 წელს, საქართველომ, ერთ-ერთმა პირველმა გაერთიანებული ერების ორგანიზაციის წევრი ქვეყნებიდან, მდგრადი განვითარების შესახებ გაეროს მაღალი დონის პოლიტიკურ ფორუმზე (High Level Political Forum-HLPF) წარადგინა პირველი ნებაყოფლობითი ეროვნული მიმოხილვის (VNR) ამსახველი ანგარიში, ხოლო მეორე ნებაყოფლობითი ეროვნული მიმოხილვის ანგარიში საქართველოს მხრიდან წარდგენილ იქნა 2020 წელს. საქართველოს პრემიერ-მინისტრის 2020 წლის 23 იანვრის

№14 ბრძანებით შექმნილი მდგრადი განვითარების მიზნების უწყებათაშორისი საბჭოს სხდომაზე წარდგენილ იქნა მდგრადი განვითარების მიზნების ადგილობრივი დონეზე დანერგვის გეგმა, რომელიც ერთხმად იყო მონონებული საბჭოს წევრების მიერ.

## გაეროს მდგრადი განვითარების 17 მიზანი:

- მიზანი 1: სიღარიბის ყველა ფორმის აღმოფხვრა.
- მიზანი 2: შიმშილის აღმოფხვრა, სასურსათო უსაფრთხოებისა და გაუმჯობესებული კვების მიღწევა და მდგრადი სოფლის მეურნეობის ხელშეწყობა.
- მიზანი 3: ჯანსაღი ცხოვრებისა და კეთილდღეობის უზრუნველყოფა ყველა ასაკის ადამიანისათვის.
- მიზანი 4: ინკლუზიური და თანასწორი განათლების უზრუნველყოფა და უწყვეტი სწავლის შესაძლებლობის შექმნა ყველასათვის.
- მიზანი 5: გენდერული თანასწორობის მიღწევა და ყველა ქალისა და გოგონას შესაძლებლობების გაუმჯობესება.
- მიზანი 6: წყლის მდგრადი მართვისა და სანიტარული ნორმების დაცვის საყოველთაო უზრუნველყოფა.
- მიზანი 7: ხელმისაწვდომი, საიმედო, სტაბილური და თანამედროვე ენერჯის საყოველთაო ხელმისაწვდომობა.

მიზანი 8: სტაბილური, ინკლუზიური და მდგრადი ეკონომიკური ზრდის ხელშეწყობა, სრული და პროდუქტიული დასაქმება და ღირსეული სამუშაო ყველასათვის.

მიზანი 9: მდგრადი ინფრასტრუქტურის შექმნა, ინკლუზიური და განვითარებული ინდუსტრიალიზაციისა და ინოვაციების ხელშეწყობა.

მიზანი 10: უთანასწორობის შემცირება ქვეყნებში და ქვეყნებს შორის.

მიზანი 11: ქალაქებისა და დასახლებების ინკლუზიური, უსაფრთხო და მდგრადი განვითარება.

მიზანი 12: მდგრადი მოხმარება და წარმოება.

მიზანი 13: კლიმატის ცვლილებისა და მისი ზეგავლენის წინააღმდეგ გადუღებელი ზომების გატარება.

მიზანი 14: ოკეანისა და ზღვის რესურსების კონსერვაცია და მუდმივი გამოყენება განვითარებისათვის.

მიზანი 15: ხმელეთის ეკოსისტემების დაცვა, აღდგენა და ხელშეწყობა, ტყის მდგრადი მართვა, გაუდაზნოების წინააღმდეგ ბრძოლა, ნიადაგის დეგრადაციის შეჩერება და აღდგენა-გაუმჯობესება, ბიომრავალფეროვნების დანაკარგების შეჩერება.

მიზანი 16: მშვიდობიანი და ინკლუზიური საზოგადოების ჩამოყალიბების ხელშეწყობა მდგრადი განვითარებისათვის, მართლმსაჯულების ხელმისაწვდომობა ყველასათვის, ეფექტიანი, ანგარიშვალდებული და ინკლუზიური ინსტიტუციების მშენებლობა ყველა დონეზე.

მიზანი 17: პარტნიორობა მდგრადი განვითარების მიზნების მისაღწევად.

რაც შეეხება მდგრადი განვითარების მიზნების მუნიციპალურ დოკუმენტს, ის ეხება მდგრადი განვითარების 3 განზომილებას - ეკონომიკურს, სოციალურსა და გარემოსდაცვითს. იგი წარმოადგენს იმ მიზნების, ამოცანებისა და ინდიკატორების ადგილობრივ განსაზღვრებას, რომლის შესაბამისადაც დედოფლისწყაროს მუნიციპალიტეტი უზრუნველყოფს საქმიანობის დაგეგმვას 2030 წლამდე.

დანართი N1  
**მდგრადი განვითარების მიზნების დედოფლისწყაროს მუნიციპალური დოკუმენტი**



# ჩვენი პოლონური არდადეგები

ჩვენი დელეგაცია 21 ადამიანისგან შედგება. ვიზიტი გურჯაანისა და პოლონეთის პიასენოს მუნიციპალიტეტებს შორის 2018 წლიდან არსებული მეგობრობისა და თანამშრომლობის შემორანდუმის ფარგლებში დაიგეგმა. დელეგაციას კაჭრეთის კოლეჯ „აისის“ დირექტორი მალხაზ ასლამაზიშვილი ხელმძღვანელობს. აეროპორტში შეკრებილეს საპას-პორტო რეჟიმის გაულა გვინეზ და გრძელ რიგში მოთინებით ვდგებით... ოთხსა-ათიანი ფრენის შემდეგ ვარშავის შოპენის სახელობის აეროპორტში ვეშვებით, სადაც ჩვენი მასპინძლები მოუთმენლად გველონ. კოლეჯის „აისი“ თანამშრომლებსა და სტუდენტებს მასპინძლობას პიასენოს თავჯდომარე ჯოანა მუზინსკა ძიურნი გვინეზს.

გულთბილი შეხვედრის შემდეგ ტრანსპორტში გვანანილებს და დანიშნულების ადგილას მივდივართ. აქ იწყება ჩვენი 5-დღიანი პოლონური თავგადასავალი, რომელიც დატვირთული გრაფიკის მიუხედავად, სასიამოვნო ემოციებით გვაგებს.

ვარშავიდან რამდენიმე კილომეტრში მდებარეობს პატარა ქალაქი გორა კალვარია, რომლის დაარსებაც იერუსალიმს უკავშირდება. ქალაქის არქიტექტურა ჯერის ფორმისაა. ქალაქის თავდაპირველი სახელწოდებაც ასე ჟღერდა-„ახალი იერუსალიმი“, რომელიც მისმა ფუძემდებელმა იმ მიზნით დააარსა, რომ პოლონელ მომლოცველებს იერუსალიმში აღარ ევლოთ. აქ ბევრი ეკლესიაა, რომლებიც მათი წმინდანების ნემსს დღემდე სათუთად ინახავენ.

„გორა კალვარია“ მარტივი ისტორია არ ჰქონია-გვიხსნის გიდი, რომელიც ქალაქის დაარსების შესახებ გვიამბობს. ყველაზე რთული დღეები ამ ქალაქში მეორე მსოფლიო ომის პერიოდში გამოიარა. მეორე მსოფლიო ომის წინა დღეს გორა კალვარიაში დაახლოებით 3500 ებრაელი ცხოვრობდა. როდესაც გერმანული არმია შევიდა 1939 წლის 8 სექტემბერს, ებრაელი მოსახლეობისთვის ტერორის მმართველობა დაიწყო. 1940 წლის აპრილსა და მაისში რამდენიმე ასეული ებრაელი ლოძიდან და მიმდებარე პაბიანიკედან და ალექსანდროდან გადაასახლეს გორა კალვარიაში. 1941 წლის იანვარში გორა კალვარიას ირგვლივ მდებარე მცირე უბნების ყველა ებრაელი მცხოვრები, რომლებიც დაახლოებით 300-ს ითვლიდნენ, ასევე იქ იყო კონცენტრირებული. 1941 წლის 25-26 თებერვალს ქალაქში მცხოვრები ყველა ებრაელი გადაიყვანეს ვარშავის გეტოში, სადაც მათ გაუზიარეს ვარშავის ებრაელების ბედი. ასობით ებრაელი დაიღუპა დაავადებითა და შიმშილით, დანარჩენი კი სიკვდილის ბანაკებში გადაასახლეს 1942 წლის აგვისტოში. ამ მხარე დღეების აღსანიშნავად ქალაქში მემორიალი არსებობს.

პოლონეთი არსებობის ათას წელზე მეტს ითვლის. ამ ხნის მანძილზე ქვეყანამ ბევრ გამონგვევას გაუძლო, ჰქონდა ოქროს ხანაც და დაღმასვლის პერიოდებიც, მაგრამ ყველაზე რთული დრო მან მეორე მსოფლიო ომის დროს გამოიარა. პოლონეთის მოსახლეობის საკმაოდ დიდ ნაწილს შეადგენდნენ ებრაელები, ამიტომ, ფაშისტური რეჟიმის პირველი დარტყმა პოლონეთმა მიიღო. კრაკოვთან ახლოსა ოსვენციმის საკონცენტრაციო ბანაკი, რომელიც ისტორიას შემორჩა, როგორც ყველაზე საშინელი და გაუგო-

ნარი სისასტიკის სიმბოლო. დედაქალაქშიც და ყველგან, პატარა ქალაქებშიც, შეხვედრით მონუმენტებს, რომლებიც ფაშიზმზე დამარცხებისთვის ბრძოლის შეუპოვრობაზე გვიამბობს. „ვარშავის ცენტრში პატარა ბიჭუნას ქანდაკებაა. ის სიმბოლოა პატარა გავროშების, 8 წლის ბიჭების, რომლებიც იატაკქვეშა გაერთიანებაში ერთიანდებოდნენ პოლონეთის გადასარჩენად. მათ ყველას ერთი სიმბოლო აერთიანებდა, რომლის აბრევიატურასაც დღესაც შეხვედრით პოლონეთის ქუჩებში, ავტომობილებსა თუ შენობებზე...“

პოლონეთის განმათავისუფლებელ მოძრაობას რომ ვერ მოერია, მაშინ მიიღო პიტლერმა ვარშავის დაბომბვის და მინასთან გასწორების გადაწყვეტილება. სწორედ მაშინ დაიწერა ვარშავის სამეფო სასახლე, ისტორიული ძეგლი პოლონეთში, დედაქალაქის უძველესი შენობა.



სასახლე ააშენა XIII საუკუნეში ბოლესლავ II გულადმა. XVI საუკუნეში იტალიელი არქიტექტორის, ჯოვანი დი კვადროს ხელმძღვანელობით ჩაუტარდა რესტავრაცია რენესანსის სტილში, ხოლო XVIII საუკუნეში მეფის არქიტექტორმა, სანტა გუჩიმ, განახორციელა სამეფო სასახლის რეკონსტრუქცია ბაროკოს სტილში. მეფე სასახლეში გადავიდა 1611 წლიდან. XVIII საუკუნეში სასახლის ინტერიერი განაახლა სტანისლავ ავგუსტ პონიატოვსკიმ. სასახლის დანგრევამდე პოლონელებმა მოასწრეს, სრულად გადაეჩინათ ძვირფასეულობა, რაც ამ სასახლეში ინახებოდა.

სასახლის რეკონსტრუქცია 1970-იან წლებში პოლონელი ხალხის მიერ განხორციელდა. და დღეს, ვინც არ იცის სასახლის დანგრევის ფაქტი, ვერ მიხვდება, რომ ის ოდესღაც ფერფლისგან აღდგა. რეკონსტრუირებული შენობა ძველი სასახლის ზუსტი ანალოგია თავისი ნივთებითურთ.

### მითის კადავრად...

პოლონეთი მდიდარია სასახლებითა და ციხე-სიმაგრეებით. ყველაზე შთამბეჭდავი მაინც ვილანოვის სასახლეა, ქვეყნის ერთ-ერთი ყველაზე განსაცვიფრებელი სასახლე. ის არის ერთ-ერთი იმ მცირერიცხოვან ნაგებობებს შორის, რომელიც გადაურჩა დანგრევას მეორე მსოფლიო ომის დროს. სასახლის ფასადი ქალაქის არქიტექტურის ერთ-ერთი ყველაზე გამორჩეული ნაწილია თავისი კამკამა ყვითლად შეღებილი ბაროკოს სტილის ექსტერიერთა და განსაცვიფრებელი ბალებით. სასახლის შიგნით არის მუზეუმი, რომელიც ეძღვნება ქვეყნის სამეფო და მხატვრული მემკვიდრეობის შენარჩუნებას სარმატული ხელოვნების უზარმაზარი კოლექციით, ასევე ქანდაკებებითა და ხელოვნების სხვა ნიმუშებით, რომლებიც წარმოადგენს, როგორც იყო ცხოვრება პოლონურ სა-

სახლეში.

ძველი სასახლეების მონახულების შემდეგ, საღამოს ვარშავის მოედანზე ვატარებთ. მთავარ მოედანზე ქალთევზას ქანდაკება-ვარშავის სიმბოლო. ხალხური ლეგენდა დედაქალაქის სახელის წარმოშობას მეთევზე ვარსსა და მის ცოლს, სავას, უკავშირებს. სავა იყო ქალთევზა, რომელიც თავდაპირველად ბალტიის ზღვაში ცხოვრობდა, შემდეგ ქალაქიდან სკიდან მდინარე ვისლას დინებას აღმა აჰყვა და დღევანდელი ვარშავის ნაპირებზე გაჩერდა, სადაც მას მეთევზე ვარსი შეუყვარდა. სინამდვილეში ვარსი იყო XII-XIII საუკუნეებში მცხოვრები აზნაური, რომელიც ფლობდა სოფელს დღევანდელი ვარშავის ერთ-ერთი უბნის, მარიენშტატის მიდამოებში. ქალთევზა სავა კი დღეს ვარშავის სიმბოლოა და მის გერბზეა გამოსახული.

ზაფხულში მოედანი გადაიქცევა ბა-

თავდაცვითი კედლების დანგრევა, რაც ამცირებს მის სამხედრო მნიშვნელობას, როგორც დასაყრდენს. მომდევნო წლებში ციხეზე აღდგენითი სამუშაოები არასოდეს ჩატარებულა. დღეს მხოლოდ კოშკები, მეთვრამეტე საუკუნის აგურის ხიდი და ციხის ჩრდილოეთი და აღმოსავლეთი ფრთები შემორჩენილი.

ჩერსკის ციხეში საზეიმო დახვედრას გვინცილებს მასპინძლები. აქაა ქალაქის მერი, ტრადიციულ სამოსში გამოწყობილი კულინარები და ფოლკლორული ანსამბლის წევრები. ადგილობრივი კერძების დაგემოვნების შემდეგ, ცეკვის მასტერ კლასში მივიღებთ მონაწილეობა და ანსამბლის წევრების დახმარებით ვისწავლეთ ურზეცკის ცეკვა, რომელიც ქალაქის მერმა ჩვენთან ერთად შეასრულა.

### განათლების სიხვევა

დელეგაციის წევრები, ვიზიტის ფარგლებში, ვსტუმრობთ ბელინსკის სახელობის ტექნიკურ პროფესიულ სასწავლებელს, ლეიტენანტ ემილ გერჩანკის სახელობის ტექნიკურ პროფესიულ სასწავლებელს, პიასენო N 3 და N 1 სასკოლო კომპლექსებს.

უშუალოდ ვეცნობით იმ პროფესიულ საგანმანათლებლო პროგრამებს, რომლის სწავლასაც ახორციელებენ დაწესებულებები, ასევე ვათვალისწინებთ კოლეჯის მატერიალურ-ტექნიკურ ბაზას: სახელოსნოებს, ლაბორატორიებს, თეორიული სწავლების კლას-კაბინეტებს...

ვიზიტის მიზანი ქართულ და პოლონურ დაწესებულებას და მათ მოსწავლეებს შორის გამოცდილების გაზიარებაა.

ქართველები აქტიურად ვერთვებით კულინარიულ მასტერ-კლასებში და ტოლს არ ვუდებთ პოლონელებს-სიამოვნებით ვაკეთებთ ტრადიციულ კერძს და ვაგემოვნებთ კიდეც.

ვიზიტის ბოლო დღე სადისკუსიო პანელს ეთმობა. დებატების თემაა „განათლების სისტემა საქართველოსა და პოლონეთში ახალგაზრდების განვითარების პერსპექტივების და მათი პროფესიული კარიერის კონტექსტში“.

განათლება პოლონეთში ხუთი ან ექვსი წლის ასაკში (ასაკი ირჩევს მშობელი), ე. გ. „0“ კლასით (საბავშვო ბაღი) იწყება და შემდეგ, ექვსი ან შვიდი წლის ასაკში ბავშვი სწავლას დაწყებითი სკოლის (პოლონურად szkoła podstawowa) I კლასში აგრძელებს. სკოლაში ბავშვების დასჯა ოფიციალურად აკრძალულია 1783 წლიდან და 2010 წლიდან იგი ისჯება კანონით (სკოლებში, ასევე სახლში).

მეექვსე კლასის ბოლოს, როდესაც სტუდენტები უკვე 13 წლისეები არიან, აბარებენ საჯარო გამოცდებს, რომლებიც საშუალო სკოლებში (გიმნაზიუმ - საშუალო სკოლა ან დაწყებითი-საშუალო სკოლა) მათ მიღებასა და გადასვლას განსაზღვრავს. აღნიშნულ პერიოდში არსებობს რამდენიმე ალტერნატივა, რომელთაგან ყველაზე გავრცელებულია სამი წლის განმავლობაში ლიცეუმში ან ხუთი წლის განმავლობაში პროფესიულ სასწავლებელში სწავლა. მაგრამ თუ 5 წლის შემდეგ სტუდენტი არ ჩააბარებს მთავარ გამოცდას, ის უმაღლეს სასწავლებელში სწავლის გაგრძელებას ვეღარ შეძლებს.

„ჩვენმა ახალგაზრდებმა კარგი ურთიერთობა დაამყარეს ქართველ ახალგაზრდებთან, მათ აქვთ შესანიშნავი კონტაქტი ერთმანეთთან და იმედი მაქვს, რომ ჩვენი საერთაშორისო თანამშრომლობა მომავალშიც ისეთივე ინტენსიური იქნება, როგორც ეს წელს იყო“, - ამბობს ჯპ ლუბინანიკი, პიასენოს ოლქის მრჩეველი.

ჩვენ ვემშვიდობებით პოლონეთს, ჩვენს გულთბილ მასპინძლებს მომავალი შეხვედრის იმედით.

ინგა შილაშვილი

პ.ს. ჩვენი დელეგაციისა და სტუდენტების სახელით დიდი მადლობა გვინდა გადაუხადოთ ბატონ მალხაზ ასლამაზიშვილს, ლამაზი და საინტერესო დღეებისათვის და კოლეჯის „აისი“ თითოეულ თანამშრომელს, რომლებმაც პოლონური დღეები დაუფინყარ მოგონებად გვიქცევს.





# „ი ა გ უ ნ დ ის მ ა რ ა ნ შ ი ა , ღ ვ ი ნ ო დ გ ე ბ ა ლ ა ლ ის ფ რ ის ა“ ...

რთველში დაკრეფილ ყურძენს კახეთის მარნებში, უმეტესწილად, ფაბრიკული საწარმოების მანქანით მოეღობა დაწურება. მხოლოდ ზოგ მარანში არ გაუქმებულა მამა-პაპური საწარმოები.

ყურძენი გოდრებს ძველად სანაახლეში ჩაქვნილი. მის ძირში თავისებური საწარმოო გამართული-გარდამარტული გადანაწილ ხის რიკებზე გადებულია წმინდად დაწურული ლასტი, ე.წ. ტუპკირი, რომელზედაც ვაზის ფოთოლია გაშლილი. დაწურვის დროს ყურძენი ლასტზე „ზედ არ გაიღვება“, თანაც რიკებზე მალა მდგარი ლასტი ქვეშ თავისუფლად ატარებს ჭაჭაშეურველ წმინდა წვესს.

გაივსებოდა ყურძენით სანაახლე და მწურავებიც საგულდაგულოდ იბანდნენ ფეხებს. ტრადიციულად, ყურძენის წურვა სამამაკაცო საქმეა. ფეხშიშველი, მუხლებამდე „მარვალაკვალთავებული“ ჩადგებოდნენ ყურძენით თავმოხმულ სანაახლეში.

ძველად, დიდ სანაახლეში, ერთდროულად ორი-სამი კაცი წურავდა ყურძენს. დაწურვის დროს დინჯი, „მუხლის ამყოლი“ სიმღერა იცოდნენ:

**„ი ა გ უ ნ დ ის მ ა რ ა ნ შ ი ა , ღ ვ ი ნ ო დ გ ე ბ ა ლ ა ლ ის ფ რ ის ა“ ...**  
 მწურავი თავდაპირველად ჯერ აურქარებლად გაუვლ-გამოუვლის ყურძენს, „ნელ-ნელა დააყოლებს ტუპკირით“, როცა ყურძენი დაბლა დაინჯეს, გამეტებით, ძლიერად „ჩას-ცემს ფეხს, გათქვეფამს“, ბოლოს ყურძენის ჭაჭა ქუსლებით გაისრისება, „გაიქუსლება“.

ნავ-სანაახლის ძირში დატანებული ხის ან თიხის მილიდან, რომელსაც კახეთში ინდური ჰქვია, ჯერ მღვრიე და ძალზე თხელი წვენი, „წინნაქარი“ გადმოვა, შემდეგ „შუანვენი“ მოჰყვება, ბოლოს კი ძალიან სქელი „უკანანვენი“ ანუ, „გამონაქაჯი“ წამოვა.

დაწურული ყურძენის წვენი ტუპკირით, მოედინება ინდურის ქვეშ შედგმულ ცაცხვის ღარზე, რომლის თავი ქვევრის პირამდეა გადებული. ღარს „უკან თავისივე ქუსლი აქვს შერჩენილი, რომ წვენი უკან არ წავიდეს“, წინ, ტუჩთან კი ქვევიდან ფოთოლი აქვს ამოკრული, - წვენი „უკან არ აიხვევს“ და არ დაიქცევა.

ქვევრს დაწურული ტუპკირით მხოლოდ ბეჭებამდე დააცილიან გავსებას, იმ ვარაუდით, რომ ჭაჭის, „დედის მიცემის“ შემდეგ პირამდე ერთი-ორი მტკაველი დააკლდეს, ამგვარად „სადულზე დაყენებულ“ ქვევრში ღვინო „დულილი“

არ დაიღვრება“.

ტუპკირს ქვევრში ჭაჭა მთლიანად დაეყრება, „თავის ნაწურს თავისი ჭაჭა მიეცემა“. წითელიცა და თეთრი ღვინოც მთლიანად ჭაჭაზე დადულდება. სწორედ ამიტომაც ასე ფერიანი, სქელი და მაგარი კახური ღვინოები. საფერავის ტუპკირს დედას დაწურვისთანავე მისცემენ, თეთრი ყურძენის წვენს კი, ჩვეულებრივ „ლამეგამოტარებულ“ ჭაჭაზე დაადულბენ სანაახლეში. ჭაჭას ნაპირზე მიტყეპნიან და დილაზე დატოვებენ. ამ ხნის განმავლობაში ჭაჭა გაყვითლდება. დილით მას აჩეჩავენ და ტუპკირს ქვევრში ჩააყოლებენ, ღამეგამოვლილი დედა „გააყვითლებს, გაალამაზებს თეთრ ღვინოს“- იგონებდნენ ძველი მევენახეები.

ზოგი ქვევრი თავდაბურული „იდულებს. მას „სასულე“ ანუ „საქარე“ აქვს



დატოვებული: ქვის სარქველქვეშ დაგრეხილი წნელია მოყოლილი-დულილის დროს „ჰაერის საშუალოდ“, ოხშივარის გამოსასვლელად“. მცირე სადულზე დაყენებული ქვევრები კი თავლია. მხრებში ჯვარედინად ჯოხები - „ხიდები“ აქვს გადებული, რომ ჭაჭამ დულილი „ძალზე არ აინიოს და ღვინო არ დაიღვაროს“.

ქვევრში ტუპკირი „სამი-ოთხი დღე მაგრა დულს, ერთი გახურება- გახურდება, ჩახჩახებს, მერე დაშომინდება. ერთ კვირამდე ჩუჩუნებს, ჩუჩუნებს და გაცივდება, დადგება“.

„ხშირი დასახედა დულილი“ ქვევრები. დღეში ორჯერ მაინც დაურევინ ქვევრს გრძელტარხანი დასარევით, რომელსაც ბოლოს „ჯვარედინად ჩხირები აქვს გაყრილი, რომ ჭაჭა წაილოს ძირს“. ქვევრის პირზე ქუდივით შეკრულ ჭაჭას დასარევით გატეხავენ და მაგრად დაურევინ. დაბლა ჩაბრუნებული ჭაჭა ფერს უკეთესს გამოსცემს, არც ღვინო დაჟე-

ვდება.

ქალბსაც საქმე უჩნდებათ-საჭმელ ყურძენს ლასტებით მზეზე ფენენ ჯოხებზე აბნულს და აჩამიჩენენ, თათარას ადულბენ, ჩურჩხლებს ავლებენ.

მარნებში კი კვლავ ქვევრებს დასტრილდებენ... თანდათან ნელდება დულილი, დაწურვიდან მეცხრე-მეთერთმეტე დღეზე მაჭარი „დაშომინდება“. უკანასკნელად დაურევინ ქვევრებს, სარევით „ჩატეხავენ“ ჭურჭლის პირზე მომდგარ ჭაჭას და ერთ-ორ დღეში კიდევ გადაილბენ ღვინოს. წითელი ღვინო დადულბისთანავე საჭიროებს გადადებას- „თხლის გამორიდებას“, რომ კლერტმა „არ გაკრიჭოს“, ფერი არ დაუკარგოს. თეთრი ღვინო უფრო ამტანია, ერთი-ორი კვირაც დარჩება ჭაჭაზე. ზოგჯერ მას „თხლებზე“ გადაავსებენ

და გადაუღებლად ტოვებენ გაზაფხულამდე. როგორც ძველი მეღვინეები იტყობდნენ ხოლმე, „სანაქებოა თხლებზე დამდგარი ღვინო“. ჭაჭაზე ღვინო კეთდება, მაგარიც არის და „სათვლილიც“.

ღვინის გადადების შემდეგ ქვევრს „განყობილი საფარებელი“ სჭირდება. ქვევრის პირზე ვაზის ფოთოლს აფარებენ ან ხავსს დაუდებენ, ზედ ქვის სარქველს ადებენ, ზემოდან კი მინას დააყრიან და დატყეპნიან. ზოგჯერ სარქველს აყალი მინით დაგოზავდნენ.

წლამდე დატოვებულ ღვინოს ოთხჯერ -ხუთჯერ სჭირდება გადადება. პირველ გადადებაზე ღვინო ჭაჭას „გამოარიდეს“, შემდეგ მას ძირში დალექილი ლექი უნდა მოსცილდეს, გადაუღებელი ღვინო აიძვრება, გადაბრუნდება. ასეთ ღვინოზე „არავის მიუვა თვალი“. განსაკუთრებული სიფრთხილე ღვინოს ზაფხულში სჭირდება. ამ დროს მარანს რწყავენ კიდევ, რომ სიციხე არ „დაძლოს“, არ დაამჟავოს სასმელი.

საქართველოში, ტრადიციისამებრ, საპატიო სტუმარს ძველი ღვინით უმასპინძლებდნენ. ახალ ღვინოსთან შედარებით ძველი უფრო სასიამოვნო დასალევია, მარგებელიც და ყუათიანიც. ძველ ღვინოდ ნელგამოვლილ ღვინოს თვლიდნენ. მის დაძველებასაც საზღვარი აქვს.

სასმელი საუკეთესო თვისებებს ოც-ოცდახუთ წლამდე ინარჩუნებს, ამის შემდეგ კი ღვინო „ბერდება“- ძაბუნდება და „წყალდება“- იგონებდნენ მეღვინეები. კახელი გლეხკაცი იტყოდა, „ღვინო კაცივითაა, - დაიბადება- ტუპკირი, მისი ბავშვობა მაჭრობაა. მერე სიმარგეს იკიდებს და ვაჭკაცდება, ერთხანს ძველობს, კაი ჯანიანი მუშაკაცივითაა, მერე-ბერდება, ძალა აკლდება და სული სძვრება“.

ძველ ღვინოს ხალხურ ლექსებში ქებით იხსენებენ. ანდაზადაც ხომ თქმულა: „პურ-ღვინო ძველი სჯობია“.

„ღვინო მალალი (სათუთი) შესანახია. ღვინოს უთქვამს-„მომიარე და მეც მოგივლი“. მხოლოდ გულმოდგინე და წესიერი მოვლით დგება უზადო და საღი ღვინო.

კახეთში თავანკარა ღვინის გარდა წყალნარევი ღვინოც იყო მიღებული, ქიზიყში მას „ტოპკირას“ უწოდებდნენ. ყურძენის დაწურვის შემდეგ სანაახლის ძირში დაგებულ ლასტს, ტოპკირს „წყალს გადაავლებდნენ“, ტუპკირში აურევდნენ და მასაც ღვინოდ დაადულბდნენ.

ფეოდალურ საქართველოში, მეფე-დიდებულთა კარზე, მეღვინეობა მეღვინეთუხუცესს ევალებოდა.

ფრანგი სწავლული დიუბუა დე მონპრე, რომელმაც მეცხრამეტე საუკუნის პირველ ნახევარში, აღმოსავლეთი საქართველო შემოიარა, აქაური ღვინოებით მოიხიბლა. აქ, ისევე „მშვენიერია ღვინო, როგორც ჰომეროსის დროს“- ვკითხულობთ მის „მოგზაურობაში“. ქართული ღვინის მოტრფიალეთა რიცხვს მიეკუთვნება ალექსანდრე დიუმამ(მამა), რომელსაც არაერთხელ უგემნია „საუცხოო კახური“ და საამაყოდ დარჩენია მოგონება, რომ თბილისში მის პატივსაცემად გამართულ წვეულებაზე ღვინის სმაში მასპინძლებს აჯობა. აი, როგორ იხსენებს ის კახურ სუფრას: „აქ სვამენ ზამთარ-ზაფხულ, ყველგან და ყოველთვის, მაგრამ არავინ თვრება, აქ სმას არ ზრახავენ, თუ შეგიძლიათ, სვით ბევრი და მაშინ თქვენსას გაიკვირებენ, მაგრამ ვაი, თუ დაკარგეთ გრძნობა, უზომოდ მსმელს შერჩება წარუხოცელი დალი ლოთისა. ერთი სიტყვით, აქ ბევრს სვამენ, იმდენს, რამდენსაც არ სვამენ და არც შეუძლიათ დალიონ არც ფრანგებს, არც ესპანელთ, არც იტალიელთ, არც ბერძნებს, და მიუხედავად ამისა, არ ყოფილა შემთხვევა, ლოთობის გაჩენისა“.

**დალი ბაღაშვილი, მხარეთმცოდნეობის მუზეუმის სპეციალისტი**

## ღ ვ ი ნ ო - ა ხ ა ლ გ ა ზ რ დ ო ბ ის ე ლ ე მ ს ი რ ი

ღვინო ცხოვრების ნაწილია, მისი გონივრულად და ზომიერად მოხმარების პროპაგანდას ჯერ კიდევ პლატონი ეწეოდა:

„ბავშვებს 18 წლამდე ღვინო არ დაალევიანოთ, 30 წლამდე ადამიანებს ნება მიეცით ზომიერად დალიონ, 40 წლის შემოთ უფლება აქვთ, დიდი ნადიმობის დროს სასურველი რაოდენობით შესვან“.

ბრძენმა პლატონმა მშვენივრად იცოდა, რომ ღვინოს შეუძლია სიბერის ტვირთი შეამციროს, დააბრუნოს ახალგაზრდული სიმკვირცხლე, გაფანტოს ნალველი, შეცვალოს ზნე-ხასიათი და სხეულს მოქნილობა და სიმარდე მია-

ნიჭოს.

თანამედროვე ექიმები ამ მოსაზრებას იზიარებენ. ხარისხიანი ყურძენის ღვინოს ნამდვილად შეუძლია ახალგაზრდობის ელექსირი გახდეს.

თეთრ ღვინოში შემავალი ანტიმჟავები ორგანიზმს ფილტვების ნორმალურ ფუნქციონირებაში ეხმარება.

წითელი ღვინო კიბოს რისკს ამცირებს. იგი შეიცავს ანტიმჟავავენესერატორს, რომელიც განსაკუთრებით საჭიროა სიმსივნის პროფილაქტიკისათვის. ადამიანის ორგანიზმში რესვერატორი ხელს უშლის ავთვისებიანი უჯრედების გამრავლებას და ანთებით პროცესებს.



ყურძენის ღვინოში უნიკალური კომპონენტი სულ ხუთია.

1. ეთილის სპირტი-ანტიმჟავა აბრკოლებს თრომბის წარმოქმნას, ათეროსკლეროზის განვითარებას, იცავს სტრესისა და იონიზირებულ რადიაციისაგან.
2. ორგანული მჟავები ღვინოს გემოს არომატს განსაზღვრავენ, ბაქტერიების ზრდა-განვითარებას აფერხებენ.
3. მინერალური მარილები - 250 მლ. ღვინო მარილების მოთხოვნილების 3-10%-ს აკმაყოფილებს, ხოლო იოდისა ფთორის 50%-ს.
4. ვიტამინები ღვინოში უფრო მეტია, ვიდრე მაჭარში, 250 მლ ღვინო ყველა

ვიტამინის დღიურ მოთხოვნას 5%-ით აკმაყოფილებს.

5. პოლიფენოლები, ბუნებრივი ანტიმჟავები დაბერების პროცესს ანელებენ. საყოველთაოდ ცნობილია, რომ დღევანდელი ადამიანები ყოველდღიურად სადილის შემდეგ ჭიქა - ღვინოს სვამენ. მთავარი მაინც ღვინის მოხმარების კულტურა - ღვინომ რომ სარგებლობა მოგიტანოთ და არ გავნოთ, ხარისხიანი ღვინო ზომიერად, დოზით, უნდა მიირთვათ.

**გოდარძი გონაშვილი, მეღვინე**



# „ფეხბურთი ჩემთვის ყველაფერია“...

6 ოქტომბერი მწვრთნელის საერთაშორისო დღეა. რედაქციაში ველოდები კოლორიტ ადამიანს, რომელიც 50 წელია მწვრთნელია. სტუმარი ნუთნუთზე მოვა, მაგრამ მის სახელს ვერ ვიხსენებ... ალბათ იმიტომ, რომ მას დედოფლისწყაროში სახელით თითქმის არავინ იცნობს, ყველა „ჩალაბას“ უწოდებს. „სტადიონი ოჯახზე წინ მიქვს დაყენებული“ — ამბობს ზურაბ ჩალაბაშვილი. ბალახსაც თავად კრეჭს, რომ მოედანი ხარისხიანი და მოვლილი იყოს. გაზეთი „შირაქი“ მისი მწვრთნელობის 50 წლიანი ისტორიით დაინტერესდა და ჩალაბა მასწავლებელს ესაუბრა.

**ზურაბ ჩალაბაშვილი:** „დედოფლისწყაროში დაბადებული და გაზრდილი ვარ. მამა მეცხვარეობის ბრიგადირი იყო, დედა ბიბლიოთეკარი. უნდა ითქვას, რომ ოჯახი ხელს არ მიწყობდა ჩემს სპორტულ გეგმებში. ერთ წელიწადს მამაჩემი ცხვარში ჩემს გამო არ წავიდა. თუ სწავლა არ გინდა, წამოდი იმუშავე. 60-იან წლებში ხან თოხში დაყავი, ხან კომბაინზე მამუშავა, სიცხესა და მტკვერში, რთულ პირობებს მიქმნიდა, რომ მე-გრძნო სწავლის აუცილებლობა და ფასი. მაგრამ მისთვის არ მიგრძნობინებია, რომ დავიდალე, ან რთული იყო. ისეთი დრო იყო, სკეპტიკურად უყურებდნენ ბურთს და სწავლას მიხვდნენ. სწავლაში კი ვერ ვიყავი იმდენად გამართული. როცა შეამჩნია, რომ მაინც ბურთი მაინტერესებდა, ბოლოს მითხრა: რაც გინდა ის გააკეთე. ასე რომ, მთელი ცხოვრება მარტო ვიყავი ჩემს მიზნებთან. არავინ მყოლია გვერდით მდგომი და ბიძგის მიცემი. ყველაფერი, რაც გამაჩნია, ჩემი შრომითა და ადამიანობით მივაღწიე. დანებებით კლასებში ვიქნებოდი, როცა ნითელწყაროს სტადიონზე შემთხვევით გავიარე და ხმაური მომესმა. ბიჭები შტანგას წევდნენ. ფიზიკური მონაცემები კარგი მქონდა და როგორც ჩანს მწვრთნელს მოვეწონე. ვცადა მეც და წარმატებით ავიწიე. შემდეგ და სტიმული მომეცა, ამის შემდეგ რამდენიმე თვე ვიარე. შემდეგ კალათბურთი და ფრენბურთიც ვცადა. მძლეოსნობაზეც ვიარე, რეკორდსმენი ვარ გარბენში და მერე იყო ფეხბურთი.“

მწვრთნელმა 1964 წლიდან ფეხბურთის გუნდში შესვლა შემომთავაზა, დანარჩენ სპორტის სახეობებს შევეშვი და აქ დავინყე ვარჯიში. 1966 წელს უკვე იმ დონეზე მოვემზადე, რომ რაიონის ნაკრებში ამიყვანეს. ნითელწყაროს ნაკრებში 1996 წლამდე ვთამაშობდი და მერე ქვეყანაში ყველაფერი აირია. ბავშვობიდან ბურთი ძალიან მიყვარდა, ამიტომ, ყველა სპორტი მაინტერესებდა, სადაც ბურთია. პატარაობისას უბანში სულ ფეხბურთს ვთამაშობდი. დიდი სიყვარული მქონდა სპორტის ამ სახეობის მიმართ. იმდენად დიდი ემოცია ჩაინერგა, რომ ბევრ სპორტში მოვსინჯე ძალები, მაგრამ ბოლომდე მაინც ფეხბურთში დავრჩი. უფროს თაობასაც ვხედავდი და მიხლოდა მათ გვერდით მეთამაშა. მწვრთნელი გვეყავდა **მერაბ ოსიევი**, საუკეთესო სპეციალისტი. თბილისელი იყო, მაგრამ აქ ჩამოიყვანეს ბავშვთა ფეხბურთის მწვრთნელად, ასევე რუსულ სკოლაში ფიზკულტურის მასწავლებლად მუშაობდა. პირველად მან მათამაშა სერიოზული ფეხბურთი.

— **ვინ იყო თქვენთვის სტიმულის მიმცემი, თუ გყავდათ კუმირები?**

— ზოგადად, ფეხბურთში ბევრი მსოფლიო ვარსკვლავი იყო, მაგრამ მე პელესთან ვერცერთს ვერ დავაყენებ. საბჭოთა კავშირის მოთამაშეებიდან ყველაზე მეტად რუსი ფეხბურთელები მომწონდა. შესტიანოვი მიყვარდა, როგორც ჩამოყალიბებული პიროვნება, დისციპლინის მოყვარული და საუკეთესო მოთამაშე. ასევე სტრელცოვი იყო ძლიერი. ბევრი კარგი მოთამაშე იყო, მაგრამ მე სპორტსმენი ძალიან ვაფასებ დისციპლინას, ესენი სწორედ ასეთები იყვნენ. თავადაც ძალიან დისციპლინის მოყვარული ვიყავი, ყვითელი და ნითელი ბარათები არასოდეს მიმიღია, რაც იმას



წინწავს, რომ წესების დარღვევისთვის მოედნიდან მსაჯებს არასოდეს გავუძეებოვარ. ნითელწყაროს რაც შეეხება — **იბრა გონაშვილის** თამაში და მანერები ძალიან მომწონდა. სულ იმას ვამბობდი, ნეტა მასავით მეც მათამაშა მეთქი. ბოლოს მართლაც მის გვერდით დავდექი, ერთად ვთამაშობდით და აქედან უფრო დაინყო ჩემი აღმასვლა. უფროსებში დავასახელებ **კაენა ნატროშვილს**, **ფარიკო ალუღიშვილს**, **გივი ელიზბარაშვილს**, ბევრი კარგი მოთამაშე იყო. 11 ბავშვი პირდაპირ გადაგვიყვანეს რაიონის ნაკრებში, ეს პატარა საქმე არ იყო. ძლიერები ვიყავით. ნაკადში შეიძლება 3-4 ძლიერი გაიზარდოს მაგრამ, ერთბაშად 11 მოთამაშე, საუკეთესო შედეგია. ასეთი კარგი თაობა იყო. არაჩვეულებრივი მეკარე გვეყავდა, **კოლია ერმაკოვი**. უძლიერესი მოთამაშე იყო. ასევე ჩვენი მეკარე იყო **დათო ოზაშვილი**.

— **როდის იყო რაიონში ოქროს ხანა ფეხბურთისთვის?**

— ჯარიდან რომ ჩამოვედი, 1971-72 წლებში ძალიან წარმატებული პერიოდი გვექონდა. ნაყოფიერი წლები იყო, მაშინ ყველაზე საუკეთესო გუნდი გვექონდა, კარგად ვთამაშობდით. მერე რაიკომის მდივანი შეიცვალა, ლოლაძე მოვიდა და გუნდი დაგვიშალა. ფინანსები არ გვაქვს და გავაჩერა. ნითელწყაროში ფეხბურთი სულ რომ არ ჩამკვდარიყო, 1973-84 წლამდე გუნდი ყოველწლიურად დამყავდა აღმოსავლეთ საქართველოს ზონალურ პირველობაზე. შემდეგ ჭარაქაშვილი მოვიდა რაიონის ხელმძღვანელად და მან შემომთავაზა, რაიონის გუნდი გავაკეთოთ და 1985 წლიდან აღდგა ჩვენი გუნდი. იმავე წელს გადავედით მეორე ლიგაში. ეს ჩვენთვის დიდი წარმატება იყო, თამაში არ წავიგებო და ასე დაინყო ისევ აღმავლობის პერიოდი. 1996 წელს ისეთ დონეზე განვითარდით, რომ პირველ ლიგაში მოვხვდით და საკმაოდ წარმატებით ვთამაშობდით, მაგრამ პერიოდი ისეთი დაემთხვა, გამოსავალი არ იყო. აღარც დაფინანსება არსებობდა. მაშინ უკვე 44 წლის ვიყავი, მაგრამ მაინც ვთამაშობდი და თან მწვრთნელი ვიყავი. სწორად ნისიად მივდიოდით შეჯიბრზე, მერე გამგეობა აღარც ტრანსპორტის ფულს გვაძლევდა და მძღოლებთან უხერხულად ვიყავით.

— **ახლა რამდენად გაქვთ ხელშეწყობა?**

— წლების მანძილზე სპორტის ყველა სახეობას აძლევდნენ კვების დაფინანსებას, ფეხბურთისა და რაგბის გარდა. ბოლო რამდენიმე წელია ჩვენი ბავშვებიც იღებენ. ახლა ტრანსპორტსა და მგზავრობაზე პრობლემები აღარ გვაქვს. ამ მხრივ უკეთესი ხელშეწყობაა, რომელიც პერიოდულად უმჯობესდება. ყველას ახსოვს, ცენტრალური სტადიონი და იქ არსებული ჩვენი შენობა რა ვითარებაში იყო. ახლა კი ორიოდ წელია რაც გარემონტდა, სველი ნერტილები მოეწყო, უკეთესი პირობებში ვართ. შედარებაც არ შეიძლება.

— **ბოლო ხანს ძლიერი ნაკადი რომელი გყავდათ?**

— 89-90 წლებში დაბადებული ბიჭების ჯგუფი ძლიერი და წარმატებული

იყო. მათ ვიტალი დარასელიას სახელობის თასი მოიგეს და გაგრძელდა მათი რესპუბლიკური მნიშვნელობის წარმატებით. ნიჭიერი ბავშვები ყველგან არიან, მაგრამ როცა წარმატებისთვის სასურველ ასაკში შედიან, მერე გარემო პირობების გამო ვეღარ ვითარდებიან და ტოვებენ სპორტს. გასული 50 წლის განმავლობაში მყავდა მოსწავლე, რომელიც საქართველოს ნაკრებში აიყვანეს და რამდენიმე თვის შემდეგ, მისივე დაუდევრობის გამო გამოუშვეს. იყვნენ ბიჭები, რომელთაც უმაღლეს ლიგაში ითამაშეს. მაგალითად **მოსე მოსაშვილი**, რომელმაც საჩხერეში ითამაშა უმაღლესი ლიგა. ასევე ტოკიოში მიაღწია უმაღლეს ლიგამდე.

ცხოვრებას რომ გადავხედავ ხოლმე, სიმართლე გითხრათ, უკმაყოფილო არ ვარ. ისეთი ოჯახიდან არ ვიყავი, რომ დიდი მოთხოვნები და ამბიციები მქონოდა. ჩემს შესაძლებლობებს რაც აღემატებოდა, ამ ყველაფერს მივაღწიე დაუღალავი შრომითა და მუდმივი მუშაობით. მიუხედავად იმისა, რომ ყველაფერი ისე არ არის, როგორც მინდა რომ იყოს, მაინც კმაყოფილი ვარ ჩემი განვლილი გზით. ვგრძნობ, რომ მაფასებენ, პატივს მცემენ. ბევრი თაობა გავზარდე. გასულ წლებში რაიონის ხელმძღვანელობის ყურადღებაც ვიგრძენი, როცა ჩემი საიბოროტო თარიღები აღნიშნეს, 65 და 70 წლისთავისადმი მიძღვნილი ტურნირები ჩავატარეთ. სამი შვილი და ექვსი შვილიშვილი მყავს, ამიტომ თავს ბედნიერად ვთვლი.

მძლეოსნობა მრავალ სახეობას მოიცავს და 15 კაციანი გუნდები იყო ხოლმე, ნითელწყაროდან კი მხოლოდ ოთხნი გავდიოდით და წარმატებით ვიმარჯვებდით. მე, **თენგიზ გუმაშვილი**, **ოთარ სისაური** და **დომენტი მარტყოფლიშვილი**. გუმაშვილი ძლიერი იყო ბირთვისა და ბადროს ტყორცნაში, მე სირბილში, სისაური და მარტყოფლიშვილი კი საბჭოთა კავშირის პრიზიორები იყვნენ შუბისა და უროს ტყორცნაში. ეს ჩამოთვლილი ბიჭები საქართველოს მასშტაბით ყოველთვის ხუთეულში ვიყავით და მძლეოსნობაში ნითელწყაროს სახელით გავდიოდით.

— **მწვრთნელობაზე ფიქრობდით, თუ უნებურად მოხდა?**

— არა, ახალგაზრდობაში წინასწარ არ მიფიქრია ამაზე. რადგან დიდი შემართება მქონდა და სხვა სპორტისკენ არ ვიყურებოდი, რაიონის ხელმძღვანელობამ შენიშნა და მოთხოვნა მოხდა. ასე გავხდი მწვრთნელიც.

— **რა არის ბავშვებთან ურთიერთობა და რას სწავლობთ მათგან?**

— რადგან ფეხბურთი მიყვარს, თავისთავად ფეხბურთით დაინტერესებული ბავშვებიც მიყვარს. მომავალი თაობა თუ არ აღიზარდა, ისინი გაიზრდებიან, წავლენ და ჩამნაცვლებელი აღარ იქნება. ამიტომ, უწყვეტი პროცესია. ბავშვებთან დისციპლინა პირველ რიგში აუცილებელია. მიღებისთანავე ვუბნები ყველას, რომ ჯერ უნდა ვიყოთ ადამიანები, სწორად აღზრდილი ახალგაზრდები და შემდეგ ვიფიქროთ ფეხბურთსა და სპორტულ წარმატებებზე. დისციპლინით ყველაფერს მიაღწევ ცხოვრებაში,

თუ არადა, ისე შრომა არ ღირს. მყოლია ისეთი ბავშვებიც, როცა წესრიგს არღვევდნენ და ასეთ შემთხვევებში მკაცრი ვარ ხოლმე. 2-3 ბავშვს დავატოვინე ჯგუფი, წინააღმდეგ შემთხვევაში ისინი სხვა ბავშვებს აიყოლიებდნენ და ცუდი მაგალითის მიმცემი იქნებოდნენ. ყოფილა შემთხვევა, ასეთი ბავშვები წლების შემდეგ დიდ ჯგუფში მოსულან და მერე უკვე კარგად იცოდნენ დისციპლინის ფასი. მაღლობაც უთქვამთ, ტყვენმა მკაცრმა მიდგომამ დაგვაფიქრაო. ბავშვების აზრდა ოჯახებში უჭირთ და ჩვენც ასე ვართ. ყველამ უნდა იცოდეს თავაზიანობა, უფროს-უმცროსობა. ვარჯიშის დროს არავითარი ონავრობა, აუცილებელია სერიოზული დამოკიდებულება. თუ ხედავენ, რომ არ გამოსდით, თავადაც ხვდებიან და ცდილობენ სპორტის სხვა სახეობაზე გადავიდნენ. მე არცერთი ბავშვისთვის არ მითქვამს, რომ არ შეუძლია და ფეხბურთის თამაში ვერ გამოსდის. არც ვეტყვი ამას, მაგრამ ძირითადად თვითონვე ხვდებიან ხოლმე. რთულია და დიდი პასუხისმგებლობა ბავშვებთან მუშაობა. პერიოდულად გადამზადების კურსებს გავდივარ, განვაახლე სპეციალური ლიცენზიაც და აქტიურად ვმუშაობ ბავშვებშიც. ამჟამად დედოფლისწყაროში ოთხი ლიცენზირებული მწვრთნელია ფეხბურთში.

სამომავლო გეგმებს რაც შეეხება, ამჟამად გოგონათა გუნდი მყავს ძლიერი და ძირითადად მათზე ვამყარებ იმედს. ქალთა ფეხბურთი ძალიან პოპულარულია, ამჟამად მეორე ლიგაში თამაშობს 16 გუნდი, ხოლო უმაღლეს ლიგაში 8 ქალთა გუნდია. ამას ემატება ბავშვთა გუნდებიც. ამჟამად ჩვენც ძლიერი გოგონები გყავს. ვინც ნახა და სადაც წავიყვანე, ყველა გაცეცხულია. მეორე ლიგაში რატომ არ თამაშობთ ასეთი კარგი გოგონები რომ არიანო. თუკი მერიის მხარდაჭერა იქნება და ფინანსური ხელშეწყობა გვექნება, შეგვიძლია გაისად მეორე ლიგაშიც ვითამაშოთ. არის რეალური პერსპექტივა, რომ მუნიციპალიტეტში ხელშეწყობის შემდეგ დამატებით ფედერაციამაც გამოყოს 20 000 ლარი, რაც გოგონათა გუნდს მონარდება და მეტი სტიმული მიეცემათ ბავშვებს. ინტერესიც მეტი გაჩნდება. ადრე, როცა ნითელწყაროს სტადიონზე ვთამაშობდით, 3000 მაყურებელი ეტყოდა და სულ ივსებოდა. იმედია, ახლაც იქნება ინტერესი.

ფეხბურთი 2015 წელს დაბადებული მოზარდებისგან კიდევ ერთი გუნდი ჩამოვყალიბე, გამოვზარდე და ამით დავასრულე მუშაობა. არარეალური საუბარი არ მიყვარს და პირდაპირ რომ გითხრათ, ამ თაობაში ამჟამად დიდი ჩავარდნა გვაქვს. სკოლის მშენებლობამაც ხელი ძალიან შეგვიშალა, ორცვლიანი სწავლა შეზღუდვისას მთავრდება და იძულებული ვხდებით ჩვენი ვარჯიშები უკვე დაღამებისას ჩავატაროთ, რაც გარკვეულ შეფერხებებს იწვევს, ბევრი ვეღარ ახერხებს, ბევრსაც ეზარება. თაობებში ასეთი ჩავარდნები ხდება ხოლმე, ჩემს კარიერაში სამი-ოთხი თაობა იყო, რომლებმაც განსაკუთრებით ეფექტურად იმუშავეს, ალლო ადვილად აუღეს და წარმატებულს მიაღწიეს. თაობები იცვლება და ისინი ყოველთვის განსხვავდებიან ერთმანეთისგან, ამიტომ აღზრდის მეთოდისა და დიდი მნიშვნელობა აქვს, რომ ყველა თაობას მოერგო. მეცადინეობაზე რომ დამეხსროთ იქ ერთმანეთის მიმართ უხემ დამოკიდებულებას, ბილსნიტყვაობას, ან უდისციპლინობას ვერ გაიგონებთ. არადა, სხვა გუნდებში სწორად შემინიშნავს ეს და ძალიან გამკვირვებია. სწორად მწვრთნელების მიმართეები და მიდგომებიც არ მომწონებია სპორტსმენების მიმართ. ბავშვებთან განსაკუთრებული მიდგომაა საჭირო და ბევრი რამ არ შეიძლება. რაც არ უნდა დააშავოს და შენიშვნა მისცე, აუცილებელია, მან თავი შეურაცხყოფილად არ იგრძნოს. იუმორი და ხუმრობა სხვა არის, მაგრამ თავი დამცილებულად არ უნდა იგრძნოს.

ესაუბრა  
**ილია მარტყოფლიშვილი**



# „იარე ღიზა“ — ისტორიები აფხაზეთის ომიდან ახალ ფილმში

ზემო მარხანელი ჟურნალისტი, ლია ტოკლიკიშვილის სცენარის მიხედვით ეროვნულმა კინოცენტრმა აფხაზეთის ომზე ახალი ქართული დოკუმენტური ფილმი „იარე ღიზა“ გადაიღო. რეჟისორმა ნანა ჯანელიძემ ფილმში აფხაზეთის კონფლიქტი ასახა. ფილმის პრემიერა გასულ კვირას საქართველოს კინოთეატრებში შედგა. პარალელურად გამოიცა ლია ტოკლიკიშვილის წიგნი „ნიუტონას დღიური“, რომელიც სულაკაურის გამომცემლობამ დაბეჭდა და უკვე იყიდება.

ლია ტოკლიკიშვილი ამჟამად საზოგადოებრივი მაუწყებლის გამომცემელი ჟურნალისტი, თუმცა 90-იან წლებში ის თბილისში, გაზეთ „7 დღეში“ მუშაობდა და აფხაზეთის ომს აშუქებდა. სწორედ ადგილზე ნაანხი და იმ პერიოდში დაწერილი ისტორიები გააერთიანა და ორმხრივი ტრაგედიები ასახა ჟურნალისტიკაში. ფილმის მთავარი გმირიც ჟურნალისტი ქალია. ფილმში მთავარ როლს ასევე ჟურნალისტი და მწერალი ეკატერინე ტოგონიძე ასრულებს.

„ნიუტონას დღიური“ სამი ლიტერატურული თხზულებისგან შედგება: „ნიუტონას დღიური“, „მინა“ და „მკვდარი ქალაქის ჩანაწერები“. კრებულის ავტორი, ჟურნალისტი ლია ტოკლიკიშვილის აფხაზეთის ომის შთაბეჭდილებებით, გამოცდილებითა და განცდებით არის შექმნილი მისი მოთხრობები. ამ კრებულში ჩანს, როგორი გავლენა მოახდინა ომმა და ომის შემდგომმა პერიოდმა ჟურნალისტზე, რომელიც ომის პირველ დღეებში მხოლოდ საკუთარი ხალხის სიმართლეს ხედავდა. ამ გამოცდილებამ, ომის გზაზე შეხვედრილი ადამიანების ისტორიებმა, ომის შემდეგ გაგრძელებულმა ძიებებმა მას დაანახა, რომ სახელმწიფოს შიდა ომებში მართალი მხარე არ არსებობს. მოთხრობების პერსონაჟი ჯარისკაცები უყოყმანოდ იხრცებიან სამშობლოსთ-



ვის, მაგრამ იმასაც აღიარებენ, რომ მათი თანამებრძოლების ერთი ნაწილი სასტიკად და უსამართლოდ ექცევა აფხაზებს, არანაკლებ, ვიდრე აფხაზები ექცევიან ქართველებს. ლიას მოთხრობების გმირები ჰყვებიან აფხაზების ავკაცობაზე, მაგრამ ჰყვებიან მათ მიერ გაკეთებულ სიკეთეებზეც; ჰყვებიან აფხაზების მიერ გაჟღერებულ ქართველებზე, მაგრამ ჰყვებიან ქართველების მიერ მინასთან გასწორებულ აფხაზურ სოფლებზეც.

**ლია ტოკლიკიშვილი:** „დარბაზშიც ვთქვი და აქაც ვიტყვი: იქნებ ფილმმა შეძლოს იმის გაკეთება, რაც ვერ შეძლო ვერცერთმა ხელისუფლებამ საქართველოში: უთხრას მსოფლიოს, რომ უკრაინამდე იყო საქართველო რუსეთის აგრესიის პირისპირ. პატარა ქვეყანა, რომელმაც ერთი წელი გაუძლო რუსეთის განწვრთნილ შენაერთებთან ბრძოლას. და რომ ორმა ხალხმა: ქართველებმა და აფხაზებმა დაკარგეს ერთი სამშობლო.“

იმ წლებიდან ნამოღებული ცოდნით უნდა დავბრუნდეთ აფხაზეთში და

აფხაზებთან. რუსულ იარაღს ქართულ-აფხაზური ერთობა დაამარცხებს. ეს ფილმი ჩვენზეა, ჩვენს პროფესიაზე. იმაზე, რომ ქართველმა ჟურნალისტებმა უკრაინელ კოლეგებზე ადრე გამოვიარეთ რუსეთის წინააღმდეგ ომის კომპარი. და მხოლოდ მაგ რუსეთსა და ზოგიერთ ადგილობრივ უგუნურს ჰგონია, რომ ამ ომში დავმარცხდით. ეს ფილმი იმაზეა, რომ გამარჯვება კიდევ შეიძლება! ვისაც მეხსიერებიდან არ ნაგშლიათ იმ ომის მტანჯველი მოგონებები და აფხაზებისა და აფხაზეთის - სამშობლოს ნოსტალგია; ან ვისაც მემკვიდრეობად გერგოთ ამ ომის მიძიმე შედეგები. უკრაინისგან განსხვავებით, რუსეთის მიერ საქართველოს მაშინდელი ოკუპაციის შესახებ ვერც მაშინდელმა და ვერც შემდგომმა ხელისუფლებებმა ვერ გააგონეს ხმა მსოფლიოს. რომ რუსეთის ანგარიშსწორების პოლიტიკა მისი გავლენისგან გაქცეული ქვეყნების მიმართ საქართველოში დაიწყო. რომ რუსეთმა და საქართველოს პრორუსულმა პოლიტიკამ დააკარგინა აფხაზეთი ქართველებს და, პრაქტიკულად, აფხაზებსაც. რომ ამ ომზე ბევრი რამ გვაქვს სათქმელი ქართველებსაც. აფხაზებსაც.“

ეს წიგნი კი ალბათ მას შემდეგ იწერებოდა, როცა პირველად წავედი ომში „7 დღიდან“ ჩემს კოლეგებთან ერთად, ნირნამხდარ, რუსის ჯარს შეტოვებულ, უიარაღო ბიჭებს ჩავუტანეთ იმედი, რომ მარტო არ არიან, იქიდან კი ჩამოვიტანეთ ომის ჯერ არნახული, უცხო ამბები თავისთვის მყოფ, სიმშვიდეში გამოკეტილ ქალაქში.

ჩვენ მაშინ ვწერდით ამ სიმშვიდის გასატეხად. ომში მივდიოდით

ავტოსტოპებით, პოლიციის პოსტიდან პოსტამდე. ზოგჯერ ფეხით გავდიოდით კილომეტრებს, რომ ჩავგვეწვინა ჯარისკაცებამდე, რომელთაგან ზოგი ჩვენი მეგობარი იყო, ზოგი იქ წინა ჩასვლების დროს დამეგობრებული. ვწერდით გაზეთისთვის, ვწერდით ჩვენთვის. ვახმაურებდით ომის დაფარულ, სამხედრო წრეებში ჩაკეტილ ამბებს, ვიგერიებდით ამ ამბების გახმაურებისთვის ჩვენს დასასჯელად მოვარდნილ შეიარაღებულებს, არ გვეშინოდა. მათ იარაღი ჰქონდათ. ჩვენ ვწერდით. წერა გვიცავდა. ეს ჩვენი იარაღი იყო. მაშინ ამ იარაღმა გადაგვარჩინა.

როცა იმ ომიდან ბევრი წელი გავიდა, ზუსტად მივხვდი, რომ იმ ომის მაშინ გადარჩენილი ამბები, ჩვენს მახსოვრობაში და ჩვენს დავინყებულ გაზეთში დარჩენილი, უნდა ერთხელ კიდევ ამოგვეცა. ამ ამბებით არის ეს წიგნი სავსე. ეს ამბები მივიტანე რეჟისორ ნანა ჯანელიძესთან, რომელმაც ფილმ „იარე ღიზაში“ გააცოცხლა.

მაქვს განცდა, რომ რალაც დიდი ვალი მოვიხადე იმ წლებსა და იმ ჯარისკაცების წინაშე. სხვანაირად არ შემეძლო. იქ ვერ გავჩერდებოდი, სადაც მაშინ ომმა გავგაჩერა.“

ფილმსა და ახლადგამოცემულ წიგნზე საუბრისას ლია ტოკლიკიშვილი იქვე იმასაც მინიშნებს, რომ უკმაყოფილო ადამიანების და პროტესტის მოლოდინიც აქვს. საზოგადოებაში აჟიოტაჟი ჯერ კიდევ ფილმის გამოსვლამდე დაიწყო. ოპოზიციის წარმომადგენლები აღნიშნავენ, რომ ფილმის ზოგ ეპიზოდში ქართველი ჯარისკაცები უარყოფით კონტექსტშია წარმოდგენილი. ფილმის ავტორები კი მიიჩნევენ, რომ შერიგება ორივე მხარის შეცდომებზე საუბრის გარეშე არ გამოვა და დრო დადგა სიმართლეს თვალი გაუფსნოროთ.

**ლია მარტყოფიშვილი**

## გიორგი (გიგო) ტარსაიძე – ქართული ოფთალმოლოგიის ფუძემდებელი

ებრაულ, ირანულ, სომხურ თუ ქართულ საფლავებში, ცნობილ ბოჟარჯიაცებს, დანიელ ჭონქაძეს, ლავრენტი არდაზიანს, ალპინიზმის ფუძემდებელ ჯაფარიძეებს, ტელეგრაფისტ ძმებ სიმენსებს, იზბაშიანებს, აზარიანსებს, მრევლიშვილებს, გირგიდოვებს, ძმებ ანანოვებს, საქართველოს გეოგრაფიის ფუძემდებელ აღნიაშვილებს, ქიქოძეებს და ალექსანდრე ბაგრატიონ-მუხრანელს შორის აღმოჩნდა ძველი, შელახული ქვა.



ქვის ერთ გვერდზე გიორგი (გიგო) ალექსანდრეს-ძე ტარსაიძის დაბადებისა და გარდაცვალების წლები (1857-1904), ხოლო მეორე გვერდზე, არც მეტი-არც ნაკლები, აკაკი წერეთლის ლექსი იყო დატანილი, რომელიც მგოსნის კრებულის მესამე ტომში იპოვნეს, სახელწოდებით „ტარსაიძის ხსოვნას“:

„შეიკვარაჲო მოკვასი შენი!  
ეს იყო ქვეყნად ქრისტეს მოძღვრება  
და აშანაც ეს შეისისხლს ორჯა  
ვით წმინდა მცნება და ნეტარება.  
უკვარდა მოძვე, განურჩევლად  
გვარ-ტომობისა ეჭირა თვალი,  
ხორციელადა თვალის ექიმი

სულიკრდაც იყო მკურნალი. მაგრამ სოფელმა აღარ აცაღა, ქვეყნის მუშაკი მოსპო უდროვოდ, და უწეინარი, მოსიყვარულე, აქ განისვენებს ამიერ მკურნალი! „იყო სოფელში და სოფელს არგო“ დატოვა ქვეყნად წმინდა სახელი! სამაგალითოდ იგოს ამ ქვეყნად მისი ნეტარი სახსენებელი!“

იმ მომენტისათვის, ამ სასიკადალო პიროვნების ვინაობა ჩრდილის ქვეშ იყო, ეროვნულ არქივშიც მისი ერთადერთი ფოტო მოიპოვებოდა, ნინო ერისთავბეგთბეგოვის არქივიდან.

გიორგი ტარსაიძე დაიბადა 1857 წლის 8 ივლისს, გორის მაზრის სოფელ ბერუშეთში. იყო პირველი ქართველი ექიმი, რომლის ძირითადი პროფესია ოფთალმოლოგობა გახლდათ. მან განათლება საზღვარგარეთ მიიღო, დაბრუნდა თბილისში და კაბინეტი თავდაპირველად საკუთარ სახლში გახსნა, სადაც სრულიად უსასყიდლოდ მკურნალობდა სნეულებს. გიგო ტარსაიძის სახლი დღევანდელი ქიჩელის ქუჩაზე მდებარეობდა, მისი თვალის კლინიკა კი - უკანა ეზოს მეორე მხარეს, ცნობილი ახვლედიანის (პეროვსკაიას) ქუჩის №7-ში.

1892 წელს გიორგი ტარსაიძის თაოსნობით თბილისში გაიხსნა თვალის სნეულებათა საქველმოქმედო საავადმყოფო (რიგით მესამე რუსეთის იმპერიის მასშტაბით, მოსკოვისა და პეტერბურგის კლინიკების შემდეგ), რომლის დირექტორიც გარდაცვალებამდე თავად გახლდათ.

ამ საავადმყოფოს ბაზაზე, თბილისის ივანე ჯავახიშვილის სახელმწიფო უნივერსიტეტის გახსნის შემდეგ, რომლის ცნობილი შენობის (დღევანდელის პირველი კორპუსის) ასაშენებელი მინის ნაკვეთის შექმნაშიც ტარსაიძეს დიდი წვლილი მიუძღვოდა, ჩამოყალიბდა თვალის სნეულებათა კლინიკა.

უნინ გიორგი ტარსაიძის სახელს

ატარებდა თვალის დაავადებათა რესპუბლიკური კლინიკური საავადმყოფო (ამ საავადმყოფოს ბაზაზე არის შექმნილი ამჟამად მოქმედი მრავალპროფილური კლინიკა „ნიუ ჰოსპიტალსი“).

გიორგი ტარსაიძე არის ევროპული ტიპის ქართული ოფთალმოლოგიური სკოლის ფუძემდებელი. მას საპატიო ადგილი უჭირავს ქართული მედიცინის ისტორიაში:

„ტფილისში თვალის სატკივარის სამკურნალოს დაარსების პროექტი უკვე დაუმტკიცებია შინაგან საქმეთა მინისტრს. ამიტომ უსინათლოთა სამზრუნველოს ამიერ-კავკასიის განყოფილებას დაუქირავებია აღნიშნულ სამკურნალოსთვის შენობა ტფილისის პირველ ნაწილში, საპიორის ქუჩაზედ. ამ სამკურნალოში ყოველ დღე გარედგან მოსიარულე თვალის ავადმყოფთ მიიღებენ და ამას გარდა სამკურნალოშიაც ოთხი განყოფილება იქნება გამართული. სამკურნალოს გამგედ დანიშნულია ტფილისის ექიმი ბ-ნი ტარსაიძე“, - ბაზაში „ნიპარია“, 22 ოქტომბერი, 1892 წ.

გიგო ერუდირებული ექიმი და დახელოვებული ოპერატორი გახლდათ, რომელიც ზედმინევენი ფლობდა ოფთალმოლოგიური კვლევების მეთოდებს. იგი დამსახურებული პოპულარობით სარგებლობდა მთელს კავკასიაში. მისმა პროფესიონალიზმმა საწინდარი ჩაუყარა ქართული ოფთალმოლოგიური სკოლის შემდგომი თაობების სიძლიერეს. ტარსაიძის მოსწავლეები იყვნენ შემდგომში ცნობილი ოფთალმოლოგები: ვახტანგ მუსხელიშვილი, ალექსანდრე მარტილოვი, კ. თოფურაძე. ტარსაიძის უშუალო ხელმძღვანელობითა და ინიციატივით საქართველოს მაზრებსა და რაიონებში ნაყოფიერ მუშაობას ეწეოდნენ ე. წ. „თვალის მფრინავი რაზმები“.

გიგოს უფროსი ძმა, ნიკოლოზ ტარსაიძე, ცნობილი იურისტი და საზოგადო მოღვაწე გახლდათ, რომელმაც ქარ-

თულ სასამართლოში პირველად შემოიღო საქმის ქართულ ენაზე წარმოება. საინტერესოა, რომ გიორგი ტარსაიძის შვილი, მწერალი და კადეტი ალექსანდრე ტარსაიძე ემიგრაციაში, ამერიკაში მოღვაწეობდა, რომლის შესახებაც დღემდე ინახავს ინფორმაციას სტენფორდის უნივერსიტეტი. იგი აშშ-ში, ნიუ იორკში, ნოვო-დიდევოს მართლმადიდებლური მონასტრის ეზოშია დაკრძალული.

როგორც დასაწყისში ლექსიდან მივხვდით, გიგო 1904 წლის 24 დეკემბერს, თბილისში საკმაოდ ახალგაზრდა, 47 წლის ასაკში გარდაიცვალა. მისმა მეგობარმა, ნიკო ლომოურმა ტარსაიძეს მოთხრობა „პატარა მეგობრები მიუძღვნა“.

„ნიუ ჰოსპიტალსის“ „ოფთალმოლოგიის ეროვნულ ცენტრში“ 2018 წლის 11 ოქტომბერს, მხედველობის მსოფლიო დღის აღსანიშნავად, გიორგი ტარსაიძის, როგორც ქართული ოფთალმოლოგიის ფუძემდებლის, ბიუსტი გაიხსნა.





# არხილოსკალოში ჯვარი აღიმართა

დედოფლისწყაროს მუნიციპალიტეტის სოფელ არხილოსკალოში 27 სექტემბერს ჯვართამაღლების დღე გამორჩეულად აღინიშნა. ადგილობრივების ძალისხმევით აქ უზარმაზარი მანათობელი ჯვარი დადგეს, რომელიც საგანგებოდ ჯვართამაღლებას დაამთხვავს. პროცესს ესწრებოდნენ ხორნაბუჯისა და შერეთის ეპარქიის სასულიერო პირები, რომელთაც ამ ისტორიულ ადგილზე ლოცვა აღავლინეს.




როგორც ცნობილია, ახლადგებული ეკლესიის ეზოში სულ ახლახან გადასახედი მოეწყო, რამაც ამ ადგილს სხვა დატვირთვა შესძინა. გვერდით ბორცვზე კი ათეულობით წელია გმირთა მემორიალი დგას, სწორედ აქ აღიმართა 20 მეტრი სიმაღლის ოქროსფრად შეღებილი ლითონის ჯვარი. აქედან საოცარი ხედი ჩანს. ხელისგულზე იშლება მდინარე ალაზანი, დედოფლისწყაროს ალაზნისპირა სოფლები, ხოლო მდინარის გაღმა მნახველის თვალწინ იშლება ულამაზესი ისტორიული შერეთი. სწორედ საზღვარს მიღმა, მუსულმანურ სამყაროში დარჩენილი ქრისტიანი ქართველებისთვის შორიდან დანახული ეს ჯვარი იმედის სხივი იქნება. ჩანაფიქრიც სწორედ ეს იყო.

არხილოსკალოს ღვთისმშობლის ხარების სახელობის ეკლესიის მშენებლობა ჯერ დასრულებული არ არის. ტაძარი ასევე შემონიშნულობით შენდება და მცირე დეტალებია დარჩენილი. მისი წინამძღ-

ვარია დეკანოზი ზაქარია ყველაშვილი. როგორც ადგილობრივები გვიყვებიან, ამ ეტაპისთვის შიდა სამუშაოები მიმდინარეობს. ცნობილია ისიც, რომ ამ საზღვრისპირა სოფლებში ქრისტიანული ტაძარი არ არსებობს, ამდენად მრავალი წელია ადგილობრივებს ლოცვა სამლოცველო სახლებში უწევთ.

**ვატი ამირიძე (ისტორიკოსი, ისტორიის მასწავლებელი):** „ჯვართამაღლების დღესასწაულზე ეკლესიასთან ახლოს გორაზე დიდი ზომის ჯვარი აღიმართა. მისი ინიციატორი ჩვენი ეკლესიის მრევლი შოთა მნათობიშვილია. ზეიმი წინა დღეს დავინწყეთ. საგანგებოდ მოვრთეთ ჩვენი უსაყვარლესი ტაძარი დილის წირვისთვის. ვიცოდით, რომ მამა ზაქარია ეპარქიიდან სტუმრებს ელოდებოდა. წირვის შემდეგ სოფლის მოსახლეობა და მრევლი შეიკრიბა რათა დასწრებოდნენ ამ მნიშვნელოვან მოვლენას. აღიმართა ჯვარი, რომელიც შემდეგ მამა ზაქარიამ აკურთხა. ეს ისეთი სიხარულის მომენტი იყო სიტყვებით ამის გადმოცემა არ შემიძლია. მწამს და მჯერა, რომ ეს ჯვარი დაიცავს და დაიფარავს ჩვენს სოფელს და სრულიად საქართველოს. ასევე მცველი იქნება ჩვენს სამშობლოს მოკვეთილი მინა-წყლისა, რომელსაც ძველ შერეთი ანუ საინგილო ჰქვია. სოფელი არხილოს-



კალო დედოფლისწყაროს ერთ-ერთი გამორჩეული სოფელია. გადმოცემით ვიცით, რომ ეს სახელი შაჰ აბასის ერთ-ერთი შემოსევის დროს დარქმევია. სასტიკ დამპყრობელს მთელი სოფლის ბავშვები ხორბლის გასაღუნ კალოში ჩაუყრია გასაღუნად. დარბევისგან შეშინებული მოსახლეობა თურმე გაჰყვიროდა: არ იხილოს თქვენმა თვალებმა ასეთი კალოო. ეს ტკივილი დღემდე შემორჩა ჩვენს



სოფელს, მკვიდრი მოსახლეობა და ეკლესია დღემდე იხსენებს კალოში გაღწეულ ყმანვილებს და ამ მინას წმინდად მიიჩნევს. ამიტომ აშენდა სოფელში ხარების სახელობის ეკლესია, რომლის მშენებლობაც პატრიარქმა აკურთხა. ამჟამად მშენებლობა ნიკოლოზ ბენიადის თაოსნობით და სხვა კეთილი ადამიანების დახმარებით დასრულებულია. დღეს ამ ტაძარში წირვა-ლოცვას აღასრულებს დეკანოზი ზაქარია ყველაშვილი. სოფლისთვის და ქრისტიანი მრევლისთვის ეს ტაძარი უმნიშვნელოვანესია და დიდ საგანძურს წარმოადგენს“.

ცნობისთვის: 27 სექტემბერს მართლმადიდებელი ეკლესია ჯვართამაღლების დღესასწაულს აღნიშნავს. ღვთის განგებით, მაცხოვრის ჯვარცმიდან სამასი წლის შემდეგ ქრისტიანებმა მანამდე დაკარგული უდიდესი ქრისტიანული სინმიდე - ცხოველსმყოფელი ჯვარი უფლისა ისევ მოიძიეს და მისი თავყვანისცემის შესაძლებლობა მიეცათ. ეს მოხდა 326 წელს, მოციქულთასწორი იმპერატორის, კონსტანტინე დიდის (306-337) დროს. კონსტანტინე დიდის ბრძანებით დაიწყო ქრისტეს აღდგომის ტაძრის მშენებლობა, რომელსაც გოლგოთა და უფლის საფლავი უნდა მოეცვა. ტაძარი დაახლოებით ათ წელს შენდებოდა და იკურთხა 335 წლის 13 სექტემბერს. მომდევნო დღეს, 14 სექტემბერს დაწესდა პატიოსანი და ცხოველსმყოფელი ჯვრის ამაღლების დღესასწაული. ამ დღეს იხსენიება მესიის ჯვართან დაკავშირებული კიდევ ერთი მოვლენა - 14-წლიანი ტყვეობის შემდეგ მისი დაბრუნება სპარსეთიდან იერუსალიმში.

ილია მარტყოფლიშვილი

## 10 ოქტომბერი — ღვინის დღეები

**ღვინის დღეები 2023**

**10 ოქტომბერი დედოფლისწყაროს კულტურის სახლის მიმდებარე ტერიტორიაზე:**

- 17:00-21:00 კახური ღვინის დეგუსტაცია და გამოფენა-გაყიდვა;
- 17:00-21:00 კვების სივრცე: დედას პური, მწვადი, ყველი, ჩურჩხელა; ქართული ნუგბარი;
- 17:00-21:00 პურის ცხობა, ჩურჩხელების ამოვლება, თათარას მომზადება;
- 17:00-20:00 თიხით ძერწვის და თიხაზე ხატვის გაკვეთილები;
- 17:00-17:30 მეგა ბუშტებით საზეიმო მსვლელობა;
- 17:00-20:00 საბავშვო გასართობი სივრცეები და აქტივობები: ყურძნის დანურვის ჩემპიონატი, ღვინის ფიალების მოხატვა და სხვ;
- 17:00- 19:00 ქართული ცეკვის გაკვეთილები - ცეკვის აკადემია „სუხიშვილები“;
- 19:00-21:00 კონცერტი: „ქართული ხმები და ბენდი“, ჯგუფი - „გუფი ლენდი“.

ამინდი		დედოფლისწყარო	
ორშაბათი 02.10	სამშაბათი 03.10	ოთხშაბათი 04.10	ხუთშაბათი 05.10
დღე	ღამე	დღე	ღამე
21°	12°	18°	12°
22°	13°	19°	11°
20°	10°	17°	10°
16°	8°		

<p>გამომცემელი შპს „შირაქი“ დირექტორი <b>ინგა შიოლაშვილი</b> რედაქტორი <b>ილია მარტყოფლიშვილი</b></p>	<p>სარედაქციო კოლეგია: ჭაჭავაძე ხანდაძვანი (ჟურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა ბოსტაშვილი (ბუღალტერი); ნინო ჯანაშვილი (ოფის-მენეჯერი); მზია ქანდაძე (საქმის მწარმოებელი).</p>	<p>რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)</p>	<p>რეგისტრირებულია დედოფლისწყაროს რაიონის სასამართლოს მიერ, № 6014-468. <b>გაზეთის გამომწერა წელიწადში - 20 ლარი</b></p>
---	---	--	--

წერალში მოყვანილ ფაქტებსა და ციფრებს პასუხს აგებს ავტორი.